

安邱新志

安邱縣新志序

余莅安邱之明年夏政務稍暇始獲披閱其志乘前志創於有明馬定宇先生續志則王敷彝先生修於康熙間者也



嚴不遺不濫洵一邑良史矣第自康熙壬戌以後概付闕如余竊怪安邱以文物之邦故家文獻綿延勿替豈續述之無其人歟將官斯土者以文事為末節無以倡導之耶間以語張受百太守太守言續志以後尚有新志乘韋一書惟係家藏鈔本並未刊行余亟索讀之蓋馬席公先生原藁而張雪航先生增訂者也起康熙壬戌訖道光壬寅亦精詳亦簡核誠有如原序所云者余既卒業因謂太守道光以前幸有是書可據後此六七十年仍付闕如曷

謀賡續以踵前美乎太守以語邑中士大夫咸樂從事余乃為籌畫經費並捐俸以倡設局文昌閣下延知名士數人分任纂輯采訪而屬馬梅生太史總其事余亦參末議焉太史與余商訂體例謂新志乘韋久已成書其以乘韋名者固前修之謙詞抑以前續兩志之成先後經前邑侯熊公任公鑒定而是書則私家著述故不肯以成書自居乎今既經我公鑒定矣擬定名曰安邱新志而此次所纂者別為一編以續其後何如余亟韙其議局中諸人亦僉以為允顧此本係雪航先生司鐸金鄉時其門下士所錄非出一手舛誤頗多太史乃詳校一週悉為訂正擬先付諸石印屬余一言弁首余惟是書席公先生草創之而討論修飾潤色雪航先

生實兼之可謂美矣備矣而秘諸篋衍一綫僅存必待數十年後始克公諸斯世豈顯晦固有數乎余不敢尸表章前哲之功幸得附名簡端繼熊任二君之後與有榮焉故不辭而為之序惟新志續編事方謀始余瓜期將屆不及觀厥成矣後之官斯土者幸留意焉

民國三年甲寅秋七月權知安邱縣事濟甯孫維均撰

原序

太守方仲鴻先生知青州之明年修郡志謬蒙青眼以編次之任責余余搜稽前編馮宗伯鍾司空所修概不可得惟入

國朝以來張杞園卯君兩先生所修煥然完好獨存既而各邑乘徵到安邱前續兩志久重藝林稱史筆後附一冊曰新志乘韋亦精詳亦簡核能成一家言視其著名則馬席公原藁而張雪航增訂者嘻席公往矣雪航亦不知為何許人也越二年于役歷下於教授蕭滋園筵上遇一客衣冠古樸吐屬侃侃尤善談史事蓋亦我輩冷署中人問其姓字則張雪航問其家世則卯君先生元孫杞園先生來孫也因不禁狂喜把臂道契闊雪航亦素知余名未

謀面遂一笑成忘形交自是昕夕過從盡出所纂志藁從容辨論
證明者四十日雪航青人也多識前言往行而又家學淵源筆墨
老潔惜為職守所拘不得同赴志館相與商確古今剖析疑似以
成此一郡信史也然猶幸有此四十日之聚暫為商確古今剖析
疑似以訂正此一郡信史也豈非有夙緣哉今將別重出新志乘
韋屬予為序予未識其人先讀其書既友其人實始終借資於其
書余於其書而可無一言乎爰泚筆而題其簡首如此

道光二十一年歲次辛丑荷月之望掖縣李同少伯氏題於灤源
書院

原序

道光辛丑為舅氏雪航先生刊式訓集開卷第一篇則安邱新志
乘韋序蓋就馬席公先生原藁考定纂修歷二十七年而成者也
因憶丙子歲叔外祖孝廉公初授是書於舅氏時余在安邱見之
一切志傳半多採訪原文門類未分後先亦無端緒殆甫經草創
而尚未討論修飾潤色者今歲夏日余由楚解叛赴都蒙

恩擢蜀之順慶守道出歷下適舅氏亦從金鄉來解裝即出新志
乘韋命序余念安邱前志成於馬公定宇續志成於王公敷彝安
靜子先生稱其得史氏法直欲與崔後渠安陽志康對山武功志
顏頤千古舅氏遵其義例網羅放失參稽掌故上下百六十年典

章文物燦如列星以一邑之人誌一邑之事表彰一邑之文獻即以端一邑之風俗人心通前兩志參觀之作於前述於後分之成鼎足合之為聯璧郁郁乎著作之大觀儒林之盛事矣然猶不敢自信而名以乘章者謙讓未遑將以俟後人也舅氏太高祖文孝公高祖觀城公相繼修郡志史學授受具有家傳後有起者必且心悅誠服奉為金鑑豈惟侍筆削者不能贊一辭哉煌煌鉅製世道攸關禮失而求諸野其在是也夫其在是也夫

道光壬寅之歲孟冬初吉甥濰縣郭夢齡小房敬題

原藁序

起滅盛衰之跡如鳥瞥影強之留者厥惟文字故累代迭興柱史
昭然下及一邑亦所不廢蓋邑境雖小即古之國土例也邑大夫
稱侯以此是何可無文獻哉顧吾邑自宋元來了無聞迨有明中
葉家中丞定宇公始創為之敷彝王先生踵續之降此越歲百有
二十無復繼者夫閩人成世日就荒杳後有能者焉所置喙嗚呼
為可懼也已幸有隴西謝蓮湖邑侯來官於斯且十稔政成多暇
既新修學宮而遂及此邑人士聞之莫不踴躍景從由是立館舍
醵費金采輯纂校分任其司閱三月藁垂成思聘名賢主其事於
膠西則王孝廉克俠不至於濼則韓先生理堂允至矣尋謝世時

我侯適有攝篆鄰邑之命多歷時日及回任旋值黃河漫決檄調民夫堵築我侯親率赴工歸未安席復以憂去事遂不終我侯嘆曰其數也夫其數也夫臨行頻作叮囑拳拳之意可掬亦云待時而已矣時之未至竟若杓鑿之相違時之已至必如針芥之易合嗣此者果其有志表章厥幾而即動其亦竟成矣乎不然因循棄置一聽駸駸者之遷流使遺蹟芳躅漸以銷沈是吾邑之風斯下而甘遜美於前也夫奚可鄉前輩曹澹如先生曰是在得人其信然哉而余乃日月以幾矣故述巔末以俟來者時嘉慶九年春二月邑人馬世珍謹識

小序

安邱新志乘韋邑前修馬席公先生纂集時與謝蓮湖邑侯議修縣志未成書邑侯去任先生以授先叔父孝廉公孝廉公以授小子柏恆敬藏書苟忽忽二十餘年己亥冬方仲鴻太守修府志送儒學上之極蒙推獎多採錄竊念志即史也一邑之有志猶一國之有史也苟非淹雅通儒秉質直不阿私之筆而又際遇崇文重道之賢司牧以相與有成詎易言哉

國朝吾邑古學開自先文孝公及王萬泉公敷彝孫樹本李若干兩先生繼之曹子謙馬席公兩先生又繼之著述精湛具有良史才但萬泉紹馬中丞續邑乘文孝公亦曾充郡志纂修尚可云得

所展布孫李曹三先生則有其學而無其過席公先生既遇矣又以人事變遷半塗而廢此後有其人與否不可知有其人遇其時與否尤不可知百六十年來衣冠文物之邑竟等諸杞宋之無徵俯仰今昔豈徒諸前輩博學鴻文之未竟其用可歎乎幸賴新志乘韋一綫猶存小子兢兢捧持無敢失墜更不揣固陋參考六先生遺書按例分門編訂成卷長篇者節錄之近事知之甚確者稍為增添上接前續兩志典章人物燦然可稽儻異時賢司牧留心文獻起而修明以乘韋先庶於桑梓之月旦不無小補而席公先生當日苦心纂集以授孝廉公孝廉公以授小子柏恆者亦可藉以告無負云道光庚子清明邑人張柏恆雪航自識

凡例

一前志二十八卷續志二十五卷茲又增技術方外補遺三卷仍足二十八卷之數

一諸表論說舊志已詳無容再贅惟諸考後問題數行聊以見時勢之變遷人事之得失古今不同至於列傳則皆鄉里前修何敢輕於發論謹就事實編次成篇讀者想見其生平而已

一新志上接續志業已百六十年秩官原籍多不能詳而歲貢例貢兩途尤多缺略後有作者尚須再加考核庶免掛漏

一捐納人員李廣文同修府志不論崇卑祇論仕不任其說其

通但新志原本概載之今仍其舊以俟後人

一列女採訪過多即請旌表者已不可勝書不得已分類書之
有事實者列於前無事實者亦列姓名於後先觀城公修府
志例也

一新志末添纂補遺一卷古今之人物繁多一人之見聞有限
且此編亦不過暫存掌故原非定本留此一門陸續添補或
者無微不顯不致於桑梓留遺憾與

雪航再識

新志目

紀一

志一

總紀

考一

志二

星野考

考二

志三

山川考

考三

志四

古蹟考

考四

志五

建置考

考五

志六

典禮考

考六

志七

雅樂考

考七

志八

賦役考

考八

志九

風俗考

考九

志十

方產考

考十

志十一

藝文考

表一

志十二

秩官表

表二

志十三

貢舉表

表三

志十四

勅封表

表四

志十五

恩蔭表

列傳一

志十六

宦蹟傳

陳文煥

劉鳴寔

鄒準

王懋建

甯朝亮

王者香

叢

淙

朱華國

李冠瀛

宋允睿

吳端明

趙

埭

王

鎮

唐世謙

趙天賜

顏士錦

列傳二

志十七

儒林傳

劉源淶

劉有恆

張

貞

馬恆謙

陳舜錫

劉仁瑞

列傳三

志十八

事功傳

孫敬

劉希龍

馬懋

張文鉉

曹銓衡

韓應恆

李孟雨

曹貞吉

李其昂

高應玠

孫起綸

周泰生

劉儼

馬長淑

曹湛

曹涵

張重輿

李大本

曹良

李策

王馭超

李于垣

李于培

列傳四

志十九

文苑傳

王訓 馬天撰 馬澄 周臨生 周柔生

張在乙 馬常沛 曹霖 張壯輿 孫亢宗

曹澣 孫自務 李澧 張敬輿 張扶輿

秦勳 馬庭箕 劉棟 周位 馬交

劉育德 辛時震 劉其旋 曹益厚 馬世珍

馬世醇 李于京 張德銳 張亞恆 孫景曾

劉芳曙 曹元詢

列傳五 志二十

武胄傳

王 灌 顏秀奇 顏福玉

列傳六

志二十一

高士傳

于 沔 曹應聲 王錫宗 王克篤 張在辛

韓齊鄰 徐天祥

列傳七

志二十二

篤行傳

王士瑤 張 澄 張守蒙 李惟敬 孫枝秀

王業燦 王永祚 李大生 韓應奎 劉鵬翥

黃胤茂 周派長 李之彬 馬維駒 孫 煥

王 果 李禮重 辛宜岷 李 霖 張 晉

劉俊德 劉憲德 李溥 馬纂 韓岱雲

馬桐 馬閻如 張德紀 張德經 王木宗

劉其旃 劉鍾文

列傳八

志二十三

孝義傳

馬文政 張鄰斗 李光育 劉正耀 劉源深

李沁 李起庸 馬石麒 馬純錫 張在戊

王壽長 郭涪 任如春 孫五 黃敬方

曹元龍 孫玉常 劉聖訥 張德綱 韓同雲

寇仁秀

列傳九

志二十四

技術傳

郭牟 李綏 竇仁字

列傳十

志二十五

方外傳

傅大全 若愚 隆潔

列傳十一

志二十六

流寓傳

曹煜 顧調 楊青藜 郭象恆

列傳十二

志二十七

列女傳

夫亡守節奉親教子者百五十二人

姑婦同守撫孤成立者四十八人

夫亡守節撫嗣子成立者七十六人

夫亡無子守節者三十七人

夫亡殉節者四十五人

遇難不屈身死者十一人

節烈合坊所載前已採入志者不列其餘詳列四百零六人

列傳十三

志二十八

補遺

馬

惠

王天相

張

時

吳鵬霄

安邱新志卷一

邑人馬世珍席公原藁

邑人張柏恆雪航增訂

總紀

康熙二十一年壬戌知縣陳文煥

自十八年到任

。秋廣學額五名

二十二年癸亥春行鄉飲酒禮

大賈馬孟道

二十三年甲子秋有蟄龍起

大雨時有室女接簷溜濯手右手拊甲內遂有紅線寸許作盤屈狀年餘

不滅亦無所苦今秋雷雨大作女出其手於窗外忽震雷研旬自窗間起有龍出手甲中騰空去但甲分裂餘無恙

二十四年乙丑春二月頒

御題萬世師表匾額於學宮。祀王

業弘於鄉賢祠。秋大疫

二十五年丙寅秋七月頒 御製至聖先師贊立石學宮

二十六年丁卯春麥米折色銀統歸地丁。秋大水。冬行鄉飲

酒禮 大賓 韓泳

二十七年戊辰春知縣劉鳴寔至。秋建朱子祠 在東門外慈因

建。祀馬懋於鄉賢祠

二十八年己巳春二月 詔賜耄耄衣帛米肉。閏三月頒 御

製四配先賢贊立石學宮。秋七月置義塚 知縣劉捐 俸為之。蝻生

二十九年庚午春文廟始立下馬碑。歲饑免田租。秋九月

詔建常平倉積穀防饑

三十年辛未春正月初分甲 舊例全社一人應至是分作十 餘甲聽此者多民間漸有適矣。免

漕糧

三十一年壬申春行鄉飲酒禮大賓劉。夏六月隕星

三十二年癸酉春新文廟兩廡邑人黃維照捐肯為之

三十三年甲戌夏五月魏瑄戮妻子瑄四旬尚應童子試一日持入室戮其妻並子女五人

不自知也或以為風報云

三十四年乙亥夏查驛馬以征鳴。秋知縣成象理至。冬行鄉

飲酒禮大賓曹復彬

三十五年丙子夏四月初覆試童生舊例各屬童子案發總覆學使劉諫吉每縣招覆五次按

六等衡文有被黜者反大案發仍依各學額數。廣鄉試中額十四名以北征。廣學額

五名。大雨雹

三十六年丁丑春大旱免漕糧。夏知縣馬若夔至。

三十七年戊寅春催徵行滾單法。三月改童試次藝為小學論。

三十八年己卯夏五月赦。秋廣鄉試中額七名。大有年。祀

劉鵬翥李淑孕於鄉賢祠。

三十九年庚辰秋九月有流星大如盂出危入井蓬勃有聲。在十月十日

一日

四十年辛巳春署知縣鄒準至。靈雨。

四十一年壬午春祀張嗣倫張繼倫於鄉賢祠。秋行賓興禮。

冬祀孫康周於鄉賢祠。

四十二年癸未秋大饑。八月城守戒嚴。因諸城海寇標掠也。靈雨。知

縣許國楨至。九月。上遣使賑荒點饑民。冬十一月饑民不

靖旋捕治之。鄉保李奉初借糧不償人控之。縣判云年穀歉收無者且借於有異日倍償可也。於是強借強搶者百十

成羣持械入人家室邑無盜宇。繼知其不可乃於南郭捕一奪食人立斃。杖下後獄死者桁楊死者凍餓死者屍積成堆。水懦民玩

故多死焉。不其然與。班匠銀攤入地畝。停徵。

四十三年甲申春大饑。米不甚貴而錢難用民多攜錢不得食而死。大挑錢。李和

之等聚劫伏誅。三月。詔免田租。並歷年逋賦。秋七月頒

御製訓飭士子文至儒學

四十四年乙酉春。詔免田租。夏五月大風晝晦。八月之十日。秋

廣鄉試中額十名。廣學額五名。大有年。斗粟錢二十文。禁挑錢。

嚴盜賊之禁

四十五年丙戌春行鄉飲酒禮大賓張貞

四十六年丁亥春復行之大賓亦。夏四月 詔鑄大錢布行天

下一文作 二文用

四十七年戊子春三月收監生馬庭範等一百四人於獄十三日邑令比

糧無一應者二十七日又比里正單頭稟稱。秋廣鄉試中額三

名。冬十月知縣陳猶龍至。祀馬長春李沁於鄉賢祠

四十八年己丑春正月朔日有食之。夏五月赦囚。修府志知府

張連登修邑。修文廟。修朱子祠。冬城南鄙雞犬有言南鄉民半

福周家畜一雞忽作人語殺之無血又流黃村有徐三者夜半聞

呼門聲問戶視之寂無人惟一犬在徐曰適呼門者即汝耶犬曰
是也爾將奈何徐亟以杖擊之犬即逸去不
可蹤跡矣雞犬能言併在一時誠為異事

四十九年庚寅春 詔武職入文廟

朔望一體行香

五十年辛卯夏五月異風

二十三日樓房摧倒大木皆拔壓死多人地上間留異跡

復分甲為單。秋廣鄉試中額十二名。祀張民感劉有恒於鄉

賢祠

五十一年壬辰夏五月黃巖鎮遊擊顏福玉征海寇戰歿 詔贈

驍騎將軍蔭一子。升祀朱子於西哲位題主曰先賢。冬 詔

免下歲田租並歷年通賦

五十二年癸巳春赦。定丁銀以五十年為常額是後滋生人丁

永不加賦。三月特設鄉試廣中額七名

八月會試

。祀劉源淶張貞於鄉賢祠

五十三年甲午春祀范仲淹於學宮。二月詔免田租。秋八月詔武生准應文鄉試廣中額五名。冬十月詔賜耄耄衣帛米肉。知縣羅英至。大饑。

五十四年乙未春行鄉飲酒禮。大賓周臨生。秋大水。

五十五年丙申冬行鄉飲酒禮。大賓劉儼。十一月天鼓鳴有流星大

如盜光芒觸地。二十日戊刻。採買騾馬。

五十六年丁酉春正月官廐焚。傷人甚眾斃馬數匹。秋廣學額十三名。

五十七年戊戌夏生員吳筠誓神死。為生事與訟詐害多人邑人合詞控府筠狡變百端難以

懸擬令赴城隍廟神前設誓誓畢自嚼舌而死。冬行鄉飲酒禮。大賓張在辛

五十八年己亥春大赦。冬十一月鞠士林不法伏誅。知縣金

用楫至

五十九年庚子秋廣鄉試中額三名。九月 欽命吏部員外郎

陸師視礦山左駐安邱據山開礦得不償失。祀周泰生於鄉賢

祠。知縣王者香至。冬行鄉飲酒禮大賓曹湛

六十年辛丑夏四月灘水竭。雨雹時大旱四月二十二日忽大

其六月東鄉。冬十一月賑饑

六十一年壬寅夏五月大風雨雹二十一日凌河等處被災。修府志成前知府張

修府志尚未開刻去任今知府陶錦。維修之至是刻成邑人張在辛與修

雍正元年癸卯春 詔追封先師孔子五代王爵改啟聖祠為崇

聖祠木金父公為肇聖王祈父公為裕聖王防叔公。以張迪從

為貽聖王伯夏公為昌聖王叔梁公為啟聖王

祀崇聖祠。免順治十八年康熙元年被災州縣錢糧。令各州縣建忠孝節義二祠。令各州縣行鄉飲酒禮勿得草率。奉

詔墾田。秋廣鄉試中額九名。廣學額七名。冬十二月詔

祀黃巖鎮遊擊顏福玉於忠臣廟。修鄉賢節孝祠神位換石刻

張在辛捐修。有火災

二年甲辰春祀牧皮縣亶樂正子公都子萬章公孫丑諸葛亮尹

焯魏了翁黃幹陳淳何基王柏陳澔趙復金履祥許謙羅欽順蔡

清陸隴其於學宮。復祀蘧瑗林放秦冉顏何鄭康成范甯於學

宮。令擇老農勤樸者歲舉一人給以八品頂帶。夏詔建劉

猛將軍廟

按降靈錄將軍名承忠吳川人元末授指揮使弱冠臨戎兵不血刃盜賊皆竄逃過江淮千里飛蝗遍野將軍

披髮仗劍東西迨逐須臾蝗盡出境後因鼎
革自沈於河有司奏請立廟敕封猛將軍 ○ 秋大有年。建育

嬰堂。知縣金用楫補原缺回任。祀王錫宗於鄉賢祠

三年乙巳春 詔先師諱加卅旁讀期音丁祭用太牢。夏 詔

祀關廟亦用太牢迨封三代公爵 曾祖為光明公祖為裕昌公父

祖失考祖諱審字問之號石磐居解州常平村寶池里沖穆好道

以易春秋訓其子孫父諱毅字道遠性至孝父歿廬墓三年於桓

帝延熹三年庚子六月二十四日生帝娶胡氏於 定名宦鄉

靈帝光和元年五月十三日生子平文載廣虞初志 賢祀典。頒 聖諭廣訓至儒學。秋建顏公祠 在學宮左祀

錢糧耗羨歸公。署知縣鄭為龍至。秋裁鹽商 膠州知州鄭來

厲民稟請裁革攤鹽。冬知縣李聚德至。頒 御題生民未有

匾額於學宮

四年丙午春建先農壇。丁銀攤入地畝。每糧銀一兩攤一錢一分五釐零。三

月廣學額五名永為例。歲科兩考皆以二十人為額。定雜稅無常額。勘窳

地迷失錢糧均攤民田。知縣陳姚英至

五年丁未秋建文昌閣。在學宮東邑人張光岳建

六年戊申春 詔舉品行才猷可備任使者

七年己酉秋 詔免下歲山東錢糧四十萬。行賓興禮

八年庚戌春廣會試中額至四百名。建新倉。秋大水

九年辛亥春 詔免田租。知縣席泰至。大有年

十年壬子秋廣鄉試中額七名

十一年癸丑春 詔免山東錢糧四十萬。三月莒人呈爭學額

不克。○秋頒上諭二部至儒學每部二十四冊。○有火災是年四鄉屢有火災城中

張氏寶墨樓
過禍尤酷

十三年乙卯春饑。○秋舉人李澄赴江南充同考官此科江南同考有旨不

聘州縣鄰省選取進士舉人未仕者咨送入廉澄與其選分第三房。有年。令民輸粟入倉。攤

寄莊外徵銀入地畝。○建陸公祠歸安陸師前封擔山礦洞民感其德建祠祀之在學宮東

乾隆元年丙辰春。○詔舉博學鴻詞邑人李澄應薦。○蠲免田租十分之

四。○裁瓜果等稅。○秋特設鄉試廣中額二十名。○廣學額七名

○冬十月知縣賈槐至

二年丁巳春。○詔復故大學士劉正宗原官。○復廩膳銀康熙元年裁三

之二分
盡復

三年戊午春頌 御題與天地參匾額於學宮。改諸城軍屯隸

安邱。夏升祀有子於東哲位定十二哲。重修學宮鑿泮池教諭

叢深 倡修

四年己未春建甯公祠在汶水北祀訓導甯朝亮。秋行賓興禮

五年庚申春渠風集刻成安邱諸家詩馬長淑集而刻之。玉屏山樵詩文刻成

歸安陸師著為封礦事有德於安邱馬長淑刻其集傳之所以報也

六年辛酉春頌 上諭四部至儒學性理一冊士習一冊三教同源一冊文武合衷一冊。

頌 欽定明史至儒學百二冊。頌 欽定四書文至儒學。秋劉

其旋舉解元自癸卯曹貞吉後至此科又見。冬 詔舉直言極諫如陽城馬周

者

七年壬戌春三月知縣范華至。秋七月濰水溢二十七日汎濫十餘里人畜漂

。頒 欽定文廟樂章至儒學

八年癸亥夏四月頒 上諭二部至儒學皆世宗所著。冬十月知縣

劉騰鯤至

九年甲子春頒學政全書至儒學。頒文廟禮樂器至學宮。夏

四月龍見東村民劉思文強占其寡孀麥四畝二十日率眾刈之忽有龍攫入空際移時穰粒紛飛思文一粒不獲更驚

病幾殆人以為兵良之報。冬十月彗星見西南逾三月乃滅

十年乙丑春修倉貯府穀。夏四月知縣黃瑤至

十一年丙寅春頒 御纂周易折中性理精義 欽定書經詩經

春秋傳說彙纂至儒學

十二年丁卯春旱大饑自去年八月不雨至於夏四月。冬 詔發粟賑饑。十

二月知縣嚴錫綬至

十三年戊辰春大蝗大疫大水大饑。二月 詔免田租。三月

頒 欽定明史綱目至儒學。冬十一月賑荒點饑民

十四年己巳春饑。秋大熟。府穀歸於縣。定文廟引贊生八

名樂舞生各三十六名備補生二十名

十五年庚午秋九月知縣朱華國至

十七年壬申春特設鄉試會試設於九月。四鄉各建社會

十九年甲戌春行鄉飲酒禮大賓李溥

二十年乙亥春大風拔大木無數。頒平定金川碑文至學宮

二十二年丁丑春 詔去鄉會試表判添排律詩

二十三年戊寅春山左詩鈔刻成德州盧見曾選安邱人進者數十家

二十四年己卯春新學宮。夏閏六月頒平定伊犁碑文至學宮

。秋九月頒 欽定三禮義疏至儒學。裁夫馬去馬二匹夫一名

二十五年庚辰春三月頒 大清律例 欽定督捕則例至儒學

。夏五月朔日食既中刻晝晦移時。秋特設鄉試。知縣馮履

謙至

二十六年辛巳春新城池。秋頒 欽定鄉會墨選至儒學。冬

大寒井中結冰厚尺許

二十九年甲申春新城堞並城樓。夏六月蝗十四日飛蝗大至二十六日蝻生逢

王杞城尤甚。知縣張師元至

三十年乙酉春始置岙山汛設衙署移外委官居之

三十三年戊子春二月大風初二日風大起塵落如雨蔽日昏黃人罷農炊高岸深谷幾為變形麥苗

一空此後數年多風災。夏四月知縣張東至。新縣治

三十五年庚寅春 詔旌耆老周質門特年一百五歲。秋七月天色赤

二十八日起西北白氣界之夜分始沒。特設鄉試。廣學額七名

三十六年辛卯夏四月異風十七日東鄉民高世臣以車載布息大樹下風至樹拔出人與車俱擁去

三四丈灘水東一寺被風。五月大水汶河汎濫淹壞民居。冬十

月 詔免田租

三十七年壬辰春二月天鼓鳴有赤星大如盞自西北流東南光

明如畫初四日。秋八月。詔採遺書邑人曹貞吉珂。冬十月

知縣李冠瀛至

三十八年癸巳春修櫺星門按櫺星一作靈星即龍星也蓋龍左

門敬之至也

三十九年甲午秋七月大蝗十九日蝗落地厚數尺。九月有警

壽張縣教匪王倫作亂安邱戒嚴

四十一年丙申春二月大風蔽日樹木有火光。冬十二月知縣

瞿朝宗至

四十二年丁酉春廣學額五名

四十三年戊戌春。詔免田租。三月龍見於灘初六日水面有二龍作交合狀

○冬十月知縣葛昊至

四十四年己亥春旱。秋特設鄉試

四十五年庚子夏趙邠卿孟子注刻成

邑人韓岱雲捐數百金發刻義舉也

四十六年辛丑春設義塾

知縣葛捐俸為之

○夏靈雨汶水溢

五月至六月餘不

晴

四十七年壬寅春新城隍廟。三月隕星於東北

二十三日夜。隕色亦有聲。

夏四月 詔士子兼試五經

舊例各試專經今每試先用一經迨五科既週則五經並用不分經矣

四十八年癸卯春饑

五十年乙巳春夏大旱

自去年九月不雨至於秋七月

○大蝗

蝗飛蔽天日每落地輒數尺大樹多

壓折人有不辨路徑陷入溝渠不能自出遂為蝗所食者真奇災也

○冬饑。大雪

平地深五六尺

五十一年丙午春大饑斗粟二。夏有麥。大疫。秋宋均舉解

元。冬十二月 詔賜耄耆衣帛粟肉

五十二年丁未大有年

五十三年戊申秋預舉鄉試以恩作正定

五十四年己酉夏四月知縣謝保霽至。行釋奠禮禮廢已久知

舉行之

五十五年庚戌春三月隕霜殺麥復生二十。夏廣學額五名

五十七年壬子春新學宮

五十八年癸丑春 詔免田租。秋九月蝻生有鳥食之

五十九年甲寅秋特設鄉試。冬設粥廠

六十年乙卯夏四月有流星大如盂自北而南燭地光明有聲。

秋好妨害稼。行賓興禮。視前儀文頗多筵亦豐潔。八月詔天下耆老赴

千叟宴

邑人李策與焉

嘉慶元年丙辰春正月朔日有食之。免歷年逋賦。大赦。秋

八月霖雨濰水溢

初十日汎濫十餘里倒壞民居漂没人畜無數

。九月頒御題聖集

大成匾額於學宮。冬廣學額七名

二年丁巳春三月濰水溢

初三日大雨壞橋漂没舟楫

。修縣志未成

知縣謝廷邑人

馬世珍修惜未及成謝去任事遂中輟

。冬出夫修黃河

知縣謝奉委帶民夫數十人赴河工

三年戊午冬十月地震

五年庚申春廣學額七名。秋特設鄉試

六年辛酉夏六月知縣沈潛修至。秋多雨

八年癸亥春正月大雨雪

九年甲子秋九月知縣祿明至。行釋奠禮

十年乙丑秋旱蝗

十二年丁卯春三月大風晝晦己丑日申時。秋七月署知縣吳端明

至。置義塚在城南知縣吳置。修印臺未成知縣吳去任遂止可惜也

十三年戊辰春二月知縣段克宗至。秋特設鄉試。行賓興禮

十四年己巳秋築友善亭於儒學為訓導趙堞築。冬十一月知縣凌旭

升至

十五年庚午春 詔修國史採遺書主事李湘蒞以劉源淦續近思錄讀書日記曹貞吉珂雪

詩詞上編修程贊清以張貞鄉賢傳祀紀半部彙
四集上曹人文苑傳劉入儒林傳張附儒林傳
。秋多雨

十六年辛未春旱饑。秋多雨

十七年壬申春饑。冬大寒。續渠風集成邑人劉芳壻集。冬十二月

知縣呂紹賢至

十八年癸酉春大饑。夏彗星見在天之正中。秋有警河南滑縣山東

曹縣定陶金鄉教匪滋事。續山左詩鈔刻成學使張鵬展選安邱入選者數十家

十九年甲戌春寒

二十年乙亥春二月縣治燬知縣呂奉委解銅家人不戒於火闔署屋宇全焚什物一切無存人僅以

免。秋修縣治

二十一年丙子春修文廟教諭杜塔倡修。秋九月署知縣王鎮至。冬

十二月知縣唐世謙至

二十二年丁丑春修城隍廟。公舉節婦黃長林妻匡氏年百歲

知縣唐
匾其門

二十三年戊寅秋特設鄉試。廣學額七名

二十四年己卯冬十二月大雨

河水汎溢
橋梁盡壞

二十五年庚辰春大風。夏五月劉燿椿入翰林。六月大雷雨

東城樓起蟄龍

壞樓檐一角
龍爪宛然

道光元年辛巳春 詔免歷年逋賦。大赦。三月知縣趙天賜

至。廣學額七名。夏六月朔日月合璧五星聯珠。秋特設鄉

試廣中額二十名。八月大疫

病者吐瀉不止往往醫治不及老
弱更甚後有善針法者挑之出黑

血旋即愈。周進階舉解元

二年壬午春頒御題聖協時中匾額於學宮。秋祀劉宗周於

學宮。赦女囚以上皇太后徽號之故

三年癸未春詔舉孝廉方正舉人曹元詢應試高等以知縣用

四年甲申夏祀呂坤黃道周湯斌於學宮。五月大風。秋大有

年

五年乙酉夏彗星見在東南方白氣間之夜半始見逾三月滅

六年丙戌春祀陸贄於學宮。二月知縣周崇禮至。冬十一月

署知縣阮烜輝至

七年丁亥春三月地震。星晝見。夏六月知縣莫元遶至。大

熱如焚者
十餘年

八年戊子夏祀孫奇逢於學宮。秋修節孝祠。冬行鄉飲酒禮。

大賓李榮紳。山左時文鈔刻成。灘縣劉鴻翔選安邱八選者數十家

九年己丑冬十月地震。二十二日夜間初窗紙作聲門環皆響旋覺動搖連日數次益都臨朐城壞房屋有

傾倒者

十年庚寅春行鄉飲酒禮。大賓曹鵬雲。頒平定喀什噶爾碑文至學

宮。山左古文鈔刻成。亦劉鴻翔選安邱八選者十數家

十一年辛卯秋八月知縣福瀉至。預舉鄉試。以正作恩移正科於次年。修

鄭管祠。修陸公祠。皆訓導何景鑲倡修

十二年壬辰春行鄉飲酒禮。大賓劉鍾文未赴以疾卒再舉大賓韓同雲。夏五月李

湘菜入翰林。節孝祠初置祭田。知縣福置入官田中。地一頃一畝有碑記。秋霖雨

○新城隍廟

十四年甲午春設義塾。知縣福立並以入官錢買地數十畝以供塾師束脩之費。修濰河岸

○置義塚。皆知縣福捐資為之。

十五年乙未秋特設鄉試。八月知縣王懷曾至。鞠殿華武闈

探花及第。冬行鄉飲酒禮。大賓孫炳震

十六年丙申春饑

十七年丁酉春饑。有警。正月初八日濰縣妖人馬剛作亂旋伏誅時安邱戒嚴。冬行鄉

飲酒禮。大賓孫人傑

十八年戊戌春夏大旱饑。自十二年每年旱澇不均連年饑饉又從去年八月不雨至於今五月麥未嘗

無六月始雨。秋八月隕霜殺收。十九日大霜收未熟。大饑。粟

惟收可種。百錢。

十九年己亥春大饑。餓莩滿野。流亡相屬。賣。夏隕丹殺麥。四月

八日隕黃丹五月初二日。秋預舉鄉試。以恩作正定。恩科於次年。

二十年庚子秋有年。嘉禾合穎。在劉氏畝。

二十一年辛丑春正月大風雪。地深數尺。行路者凍死。多人是日。

為嫁娶吉辰。親迎者或住婦家。二月知縣張夢祺至。三月大

或於路借宿無一得回家者。夏五月李湘華入翰林。大熱。十餘日如焚。牆

風屋草皆無拔。出大木甚多。新縣治。知縣張捐。秋大有年。

六月初七日。雨後乃差。新縣治。秋大有年。二十二年壬寅夏六月知縣齊棟至。建節烈合坊。貧苦節烈無

力請旌者合。

建一坊於節孝祠東曠典也

○廣籌餉例

捐軍需者授官外附學生准捐訓導俊秀准捐武監生以海防用兵需餉

也故 ○秋大有年

按前志皆先總紀綱目例也新志尊而奉之矣其添載祀鄉賢舉大賓者罕見也重典型明禮教也旌表節烈前載之而今不載者多不勝載也然則節烈合坊胡為乎載之特典也亦前所無而今始有也至於舉解元入詞林必書所以勸也修縣志修印臺雖未成必書惜無以為繼也署令至不書而間有書之者賢之也偶爾至止不以膜外視之鋤惡棍懲蠹胥除暴即以安良世風不古德禮不概見矣而有道以政齊以刑者非今天下之賢司牧哉

安邱新志卷二

星野考

周禮春官保章氏掌天星以星土辨九州之地所列封域皆有分星以觀妖祥故凡豐凶災厲天象變於上則人事應於下感召之機捷於影響有識者思患預防因以知所趨避後世易學不明候驗占卜之法胥失真傳概委之曰天道遠而難知豈通論哉邑人王駕千馭超劉仲階象升考核頗精每相晤抵掌縱談天文地理上下感通之故具有原委惜其人謝世不聞著有傳書雖欲再聆緒論不可得已

安邱新志卷三

山川考

山水前志記載以外尚遺有山埠水泉各四並著於篇

敖山邑東三十里

秋公埠邑東三十里每靈雨有聲若鼓遠聞諸村

安營埠邑東四十里崇禎壬午北兵駐營於此有兩旗臺高丈餘
摩天嶺邑東十里上有泉曰海眼井鄉人淘汲禱雨輒應

駛溝河邑西三十里源出劉山東流逕團山陰迤東北復折而西
環大陸村合凌子溪入於汶

灰溝河邑東南三十里源出秋公埠南流逕灰溝村北甘泉水西

來入焉又折而東入於灘

金鈎泉邑西七里北流入汶中蓄為瀦邑人稱為涼水灣

科名泉有二皆在城南牛市今已塞其一其流曲折分東西抱城
共入龍灣修之則利科名邑人王馭超考核甚詳

安邱新志卷四

古蹟考

召忽墓在邑南八十里摘藥山左左右居民多以召名村按安邱西南臨魯界忽葬於此亦或然與舊無碑雍正五年馬長淑為立石因土人掘地得一碑鐫四大字曰齊召忽墓字極蒼古惜無年月及書者姓字由來舊矣

通志載王修墓在邑南四十里慈準修仕魏官奉常至孝故準以慈名今慈準在城西二十里問及古墓里人茫然豈考據未精耶抑前哲遺跡無表章而湮沒不可知耶

邑西南五十里地名王墳古塚巍然土人以為漢劉章之墓乾隆

戊辰山水暴發湧出石版無數墓門宏敞制擬王者按邑西南接朱虛東境章始侯朱虛後王城陽或死而葬於此與

邑東北四十里曰逢王村相傳為逢萌王君公栖隱之處按萌都昌人地相近或不誣也見左村文集

霸王溝楚漢爭時楚兵多病王甚憂忽泉水湧出飲輒病愈因以名立廟祀之今尚存

宋于沔墓在西南郭外嘉慶二十三年土中有方石版大水衝出多篆字啟之于東海沔墓誌也邑人張德經率同人祭而築之樹碑其上云

明巡撫馬文煒墓在城東虎林

翰林王孟煦墓在城東

郎中黃禎墓在城東

孝廉張嗣倫御史張緒倫墓均在城西涼水灣頭

郎中馬應龍墓在城東五里河

國朝知縣王訓墓在城東甘棠

明經張繼倫待詔張貞墓均在城東五里河

郎中曹貞吉墓在城東十二戶

前志古蹟甚詳惟前修塚墓尚有遺者茲考而誌之至於有明以來名人塚墓多不勝載謹即青州府志所載者載之率由舊章不敢自為去取也

ノ

二五

ノ

安邱新志卷五

建置考

城池自康熙八年知縣官于宣修後逾八十年無繼修者乾隆二十六年知縣馮履謙四面徹底重修二十九年又修雉堞並四城門樓上下一新但用民財藉民力同事諸人謀畫不善一時頗有異言今又逾八十年城垣盡頽夜不閉戶司牧者不識何人始建此巨功也

縣治自知縣官于宣修後增補潤色未興大功至乾隆三十年知縣張東重修嘉慶二十年燬於火知縣呂紹賢復修成之道光十九年知縣王懷曾信彤家言內外改修未半年其子女家人死者

八九人風鑑考核不精誤人一至於此二十一年知縣張夢祺至仍舊改作自內室廳堂及大二門一切煥然完整然張蒞任未一載在署不過三月旋丁憂去人惜其勞而未享其逸也

學宮康熙三十二年邑人黃惟熙捐資重新兩廡四十八年訓導郭一瑚倡修大殿新牆壁乾隆三年教諭叢淙重修學宮鑿泮池二十四年知縣朱華國復新之三十八年知縣李冠瀛又新櫺星門加丹雘五十七年知縣謝保霽重新大殿戟門並周圍垣墉嘉慶二十一年教諭杜垓更倡率紳士內外重修一切完整外文昌閣一所在學宮左雍正五年邑人張光岳建知縣葛昊設義塾延名師數年知縣福瀉添兩丙舍捐學田數十畝又岞山栢露書院

一所明廩生王奇珍建康熙三年進士王訓重修後枕層崗前俯
灘水環古栢數十株讀書其中多有達者東鄉祈嗣崖文昌閣建
於乾隆五十五年西鄉光甫村文昌閣建於乾隆五十八年亦皆
多士讀書會文之所

岞山汎乾隆三十年為開鹽市立衙署移外委官居之

倉乾隆十七年四鄉各建社倉一所居民捐穀以備荒年擇公正
殷實者主之春借秋還加一息其法甚善後弊端百出今竟歸於
烏有可惜也

普濟堂養濟院育嬰堂皆在城西北隅官置義田三百四十八畝
民捐三百二十畝房屋三十六間

津梁汶水渡一在城北一在城西秋冬置板橋以便行人灘冰渡
一在城東北五十里岞山一在城東四十里東邵舊有板橋多被
淹沒乾隆三十年兩地居民各造船隻以濟又汶河東隄邑人劉
祚遠築日久隄壞其孫瑤重修四十餘里西七里溝石橋康熙元
年辛府堉倡建更八里金溝橋在牟山後明崇禎十年建更十里
叔文橋跨浚子溪康熙五十三年孫煥獨建叔文煥字也更六里
駛溝橋康熙十三年劉正學倡建與叔文橋俱七架所費數千金
巨功也

廟祠龍神廟創始不詳乾隆年間重修濰縣韓夢周為之記劉猛
將軍廟雍正二年建三教堂王清心創建弟子宸一美畢其事石

佛寺在朱王村明正統間尼淨能創建弟子惠能繼之工始成甘泉寺城東南三十里廊殿宏濶比邱最盛宋明鎬祠在城東朱藏里明正德二年改建佛寺即今法林寺也朱子祠康熙二十七年建祀朱子以朱子子敬之弟子黃直卿廖子晦李果齋四人配邑人張貞為之記後更以邑人劉源淥從祀此外有鄭管祠在學宮左孫公祠祀知縣孫振基在汶水東岸崇禎中建王業弘記碑尚存虞公祠祀知縣虞德隆在北門裏碑尚存陸公祠顏公祠皆在學宮東甯公祠在汶水北岸又城東北四十里趙閣莊有大通宮元至正中建舊在峽山東麓隆慶末置今所乾隆辛亥知縣謝保霽重修

節烈合坊道光二十二年建在東門裏共四百餘名貧苦節烈咸得旌表一邑盛事也邑人劉用康劉鍾樸董其事甚勤

安邱新志卷六

典禮考

典禮前志備矣文廟設主四配十哲俱詳康熙五十一年又升朱子主於十哲之次乾隆二年更升有子主於十哲之次定十二哲東廡蘧瑗澹臺滅明原憲南宮适商瞿漆雕開司馬耕巫馬施顏辛曹邴公孫龍秦商顏高壤駟赤石作蜀公夏首后處奚容蒧顏祖句井疆秦祖縣成公祖句茲燕伋樂欬狄黑孔忠公西蒧顏之僕施之常申枏左邱明秦冉牧皮公都子公孫丑張載程頤以上三十八人稱先賢公羊高孔安國毛萇高堂生鄭康成諸葛亮王通司馬光歐陽修胡安國尹焞呂祖謙蔡沈陸九淵陳瀉魏了翁

王柏許衡許謙王守仁薛瑄羅欽順陸隴其以上二十三人稱先
儒西廡林放宓不齊公冶長公皙哀高柴樊須商澤梁鱣冉孺伯
虔冉季漆雕徒父漆雕哆公西赤任不齊公良孺公肩定鄒單罕
父黑榮旂左人郢鄭國原亢廉潔叔仲會公西輿如邾箕陳亢琴
張步叔乘秦非顏噲顏何縣亶樂正克萬章周敦頤程灝邵雍以
上三十九人稱先賢穀梁赤伏勝后倉董仲舒杜子春范甯韓愈
范仲淹胡瑗楊時羅從彥李侗張栻黃幹真德秀何基趙復金履
祥陳皓吳澄陳獻章胡居仁蔡清以上二十三人稱先儒道光年
間續祀兩廡者又有六人陸贄呂坤劉宗周黃道周孫奇逢湯斌
崇聖祠配享續入者又有周輔成周子之父張迪張子之父名宦

祠嗣入者大學士原任巡按宋學朱總督李蔭祖巡撫李鈞宸公
學政趙申季徐炯布政使韓鎬衛既濟王用霖按察使郎永清吳
毓珍監司周亮工楊奇烈陸師宋廣業朱廷楨知府鮑鉉知縣房
建極鄉賢祠嗣入者齊大夫召忽漢豫州刺史孫嵩處士管寧明
御史孫敬岳州教授李性諸生馬惠諸生張民感鉅鹿知縣王士
瑤大同知府李遷梧稷山知縣馬懋太僕少卿王業弘揚州檢校
李惟敬鴻臚序班王業燦城固主簿韓應奎舉人張嗣倫御史張
緒倫舉人王永祚宣晉知縣曹銓衡舉人王錫宗舉人李大生光
祿署丞孫枝秀封職劉鵬翥太原知府孫康周國朝太和知縣
李淑孕選貢張繼倫翰林院待詔張貞長興知縣韓應恒舉人馬

長春諸生李沁諸生劉有恒諸生劉源淶黔西知州周泰生合前
兩志所載共五十六人

乾隆九年頒文廟禮器龍傘一大樽十二有爵八十銅篚三十四

有俎三十四木登一瓦有有銅二十瓦有有簋四十四木有有簋四十

四蓋木有有邊一百七十八竹有有豆一百七十八木

安邱新志卷七

雅樂考

雅樂前志備矣通志府志皆取材焉洋洋乎無可再記也惟乾隆七年欽定文廟樂章與前不同謹詳載於篇

迎神昭平之曲

夫哉孔子先覺先知與天地參萬世之師祥徵麟紱韻答金絲
日月既揭乾坤清夷

初獻宣平之曲

予懷明德玉振金聲生民未有展也大成俎豆千古春秋上丁
清酒既載其香始升

亞獻秩平之曲

式禮莫愆升堂再獻響協鼓鏞誠孚壘甌肅肅雍雍譽髦斯彥
禮陶樂淑相觀而善

終獻敘平之曲

自古在昔先民有作皮弁祭菜於論思樂惟天牖民惟聖時若
彝倫攸敘至今木鐸

徹饌懿平之曲

先師有言祭則受福四海黌宮疇敢不肅禮成告徹毋疎毋瀆
樂所自生中原有菽

送神德平之曲

鳧嶧峩峩沫泗洋洋景行行止流澤無疆聿昭祀事祀事孔明
化我蒸民育我膠庠

九年又頒文廟樂器麾旂一

龍頭朱竿荷葉頂蓮座木架

搏拊鼓二

架二

琴四

棹

瑟二架編鐘十六

銅架一

編磬十六

石架一

應鼓一

架一

笙二

姑洗篪一仲呂篪一錫塤一大呂塤一鳳簫二黃鐘簫一大呂簫

一姑洗笛一仲呂笛一祝一止敵一甄笏六

舞器旌節一

龍首竹竿二綏韜二架

雉羽三十六龍頭朱雀三十六

筒一

簋三

十六筒一

天

正日集卷八

一

安邱新志卷八

賦役考

鄉社前志鄉六社五十八歷年來分鄉社里甲名目繁多自乾隆十六年附近挨順仍存六鄉歸併為六十六社

一鄉領社十五 逢王 擔山 安泰 大埠後 許閣莊 趙

閣莊 高閣莊 東邵 朱藏 市留 韓吉 杞城 咋山

孫泮 臨淮

二鄉領社八 西關廂 北關廂 景芝 蓮池 石堆 孫孟

十里河 甘泉

三鄉領社七 金堆 嶼山 管公 石泉 官莊 寨莊 利

監

四鄉領社十三 南關廂 東關廂 夏坡 土山 灰墟 南

部 電泉 峒峪 受山 白墳 川里院 太平 永安

五鄉領社十二 牟山 凌河 興福 解戶 平原 東部

南遂 賈孟 牛沐 墨黑 大盛 黑山

六鄉領社十一 歸家疇 關王廟 光甫 紅河 楊許 漳

河 包莊 高崖 金山 兩泉 成官

戶口原額康熙年間按丁征徭自雍正四年攤入地畝征收共戶
三萬七千五百八十五共口四十五萬二千零五十三

田土原額康熙年間報大糧一例地一萬一千八百五十頃五十

一畝四分九釐六毫八絲三忽五微除歷年豁除開墾增減相抵
現在大糧一例地一萬二千六百五十九頃七十九畝一分一釐
六毫每畝征銀三分八釐七毫三絲八忽共征銀四萬九千四十
一兩五錢八分六釐官莊成熟地一百六頃六十六畝三分六釐
六毫八絲每畝征銀一分二釐共征銀一百二十七兩九錢五分
六釐民糧地十八頃九十六畝零八釐八毫四絲每畝征銀二分
八釐七毫共征銀五十四兩四錢一分八釐學田地五十頃每畝
征銀一分二釐共征銀六十兩裁併青州左衛屯成熟地九十頃
三十畝九分五釐七毫每畝征銀一分六釐九毫九絲共征銀一
百五十三兩三錢五分改歸諸城屯地一百七十八頃三十三畝

七分二釐一毫每畝征銀二分四釐二毫九絲共征銀四百三十
三兩三錢三分四釐成熟額外荒地七百三十八頃二十畝三分
零二毫每畝征銀一分共征銀七百三十八兩二錢零二釐又額
外竈地銀二十三兩八錢一分九釐民佃竈地銀三十二兩一錢
七分二釐以上各項地畝共征銀五萬零六百六十四兩八錢八
分七釐外運軍行糧遇閏月年應增折色銀四十七兩九錢三分
四釐黃丹增添時價銀七十兩零四分八釐隨正項增添黃丹脚
價銀七兩四錢二分六釐三項共增銀一百二十五兩四錢零八
釐隨時酌派不在例內

起運銀四萬九千零八十一兩六錢五分七釐存留銀一千七百

零八兩六錢三分八釐

國朝自吳逆亂平百餘年來休養生息豐亨豫大惟正之供視二十取一猶輕至於力役之征皆倣古僱役法資財出自官府而閭閻無與焉 朝廷之恩膏賢宰之德惠豈不入人深哉但自古有廉官無廉吏有恤民之令長無愛民之役胥故一旦征發期會官聞之而有懼心者役胥聞之則必有喜色有如車用十乘民間即出百乘不止馬用百匹民間即出千匹不止按戶搜捉沿途賄放公事未必有濟而里黨之騷動則已勢不可支矣嗚呼為民上者誠能曲體其情善行其法嚴申其號令權不寄之書役德必達於鄉遂民尚有不趨事而效子來者豈情也哉

安邱新志卷九

風俗考

舊志言邑俗正月燈夕以前惟事招飲十月以後田家滌場雞黍為樂蓋云侈也續志更極言喪禮奢靡之費茲溯三十年前尚有輪月燕衍或合錢而飲以講敦睦者喪禮則公資致祭送祭帳相習成風且間有不肖子弟喜博奕作俠斜遊日揮千金不吝至今日數者皆無矣豈古人好奢而今人好儉哉家門衰替戶戶皆然即謹飭之家亦往往漸即貧困無財不可為悅久則廉恥喪於飢寒是前以侈靡為憂者而今以不能侈靡為憂尤可懼也至於科第一途則自嘉慶末年較前稱盛一時膠庠子弟亦多雞燈風雨

奮志功名惟望為父兄者成就其讀書而更勉之以禮義教之以
謙遜尊師敬老孝友慈祥未必非風俗之一大轉機也是在鄉先
生躬行以率之邑大夫善其政教以化之而已

安邱新志卷十

方產考

方產舊志詳矣續志已無可載然實有古無而今有古不為利而今為利者不惟印臺文石細緻堅凝文理凸出見諸宋杜綰石譜又牟山石硯色純紫類端石溫潤可用乾隆末年人始製以為利更有灰墟葱出灰墟村羊角葱出濰河西岸味甘辛能順氣解毒易地則不良地氣然與石榴似檀而大味酸甘濰汶沙田多植葫蘆亦出濰西諸村嫩作菜老剖為瓢用蕃譜蔓生俗名地瓜甘可代餐乾隆十四年有越人攜種至北郭昂其直今已蕃衍域內落花生俗名長生果宜沙地嘉慶十年以後始有種者獲利無算汶

河兩岸廢田盡成膏沃總之人力盡則地利出物產盈勤惰之攸
關夫豈微哉

安邱新志卷十一

藝文考

王業弘著蘭臺疏藁

張文炫著且園集

劉希龍著雲川集 來安所集

曹應聲著訓兒小說 張緒倫代刻板
存張氏家塾

張緒倫著西臺疏藁 禹貢注 淮揚書牘

劉如松著西堂集 鸚鵡集 印秀集

王訓著論語日知編 學庸思辨錄 七篇指略 左傳節文

二酉彙刪 詩讀 續安邱縣志 悔齋全集

周籙長著青藤居詩集

劉源淥著續近思錄 讀書日記 四書補注 小學補注 或

問補注 周易解 儀禮經傳通解

張貞著杞紀 青州府志 青州鄉賢傳 安邱鄉賢傳 族譜

家乘 半部藁 或語集 潛州集 娛老集 耳夢錄

韓泳著西齋咏 西遊草

劉有恆著易經解義

馬天撰著西琅館集

劉正學著岱雲集 南遊草 劉氏族譜

曹貞吉著朝天集 鴻爪集 珂雪詩 珂雪詞 黃山記遊詩

十子詩略

曹中吉著澹餘詩集 南行日記 黔行集 黔寄集 同學錄

貴州通志

馬長春著竹香齋集

陳舜錫著周易輯解

張在辛著增廣青州府志 篆印心法 瑣言 漢隸奇字 家

禮儀節 隱厚堂詩集

劉祚遠著鶴林集 水石齋集

馬常沛著河嶽集 春草堂集

馬長叔著菜根齋詩古文集 輯慶堂藁 渠風

曹霖著棗花田舍詩 冰絲詞 黃山記遊詞

曹湛著粵遊詩集

張在戊著寶典

曹澣著雪舫詩詞

曹涵著瞿園集

張扶輿著漁山吟 杲堂文集 書味齋詩餘

李澆著質菴文集 質菴隨筆

孫自務著讀禮竊注 立菴文集 花石山房集

王壽長著白雲廬詩集 蟪菴秋吟

李大本著楚遊詩草

辛宜岷著停雲詩草

劉其旋著川南軒藁

馬交著信芳館集

秦勳著貽穀堂全集

秦氏族約

周位著映雪齋全集

曹益厚著悔齋全集

馬世珍著需亭學古編

詩集

詩說

半說記

辛健桂著力堂詩集

馬世醜著訥齋詩集

孫景曾著恬齋詩集

楊維翰著鶴亭集

周錫瑄著葭村集

張德經著師古堂藁

劉芳曙著滋德堂詩賦藁 續渠風

李于京著周易卦說 歷代詩略 文獻通考提要

李于垣著長垣縣志 百二硯齋集 黔遊筆記

附詩賦

渠邱覽古四首 歸安陸師韓王壻云淮陰萬人敵劉項以與亡囊

躡足計已行殺機起微茫卒死巾幗手今古英雄傷一飯酬細思

千乘非真玉至今灘河水鳴咽聲湯湯草枯沙磧向百感集茫茫

蓋公塚云三代人去遠瀉風日以滴法網如牛毛生民良可悲卓

彼蓋公賢清靜雅足師君相崇其道上下致恬熙漢始差近古慈

用申商為遺迹香難求千載逸相思臨離古原上荒塚草離離馬
 得斯人出為世起痿痺鄭公鄉云羸秦灰燼餘六經如長夜康成
 起東海殷勤補漏罅著書尋道脈生徒盈館舍知詩婢亦慧識字
 牛能咤巍然通德門齊魯感其化驅車謁公鄉荒祠枕櫬極豐碑
 文可辨高棟危欲卸惟有書帶草青青古塚下管公里云幼安挺
 漢季抗節高揖前修危坐穿木榻皂帽披緇裘鋤園揮遺金掉頭肯
 顧不十徵九不起榮名等浮漚避地適遠海首邱歸齊州過客式
 其閭直與東家儔真龍翔絳霄卷舒得自由俯視華子魚齏齏同
 鱗鄭公墓色色不復好非無雨露滋祇同蕭艾老我生雖後時風徽
 縈懷抱所願戡干戈談經存幽懷古詩遺錢挂神樹渠邱有二龍
 討翹首灘水瀟繁憂尚如擣隱祭朱子祠邑人張在辛孔孟心
 子魚敢拔附茂實任而隱勉斯隱祭朱子祠邑人張在辛孔孟心
 不仕高風絕世塵永懷澄清志於今健寶鼎年一炷香
 又重新千秋廊廟無專祀俎豆於今健寶鼎年一炷香
 黃身隨裸獻效趨踰叩天願祝同人健寶鼎年一炷香
 別業圖詩新城王阮亭瀉于故國幾千秋中有東陽八詠樓春水
 綠波春草碧古城依舊帶雙流楚江巫峽半雲雨清簾
 疎簾看奕碁試上峽雲樓上望天然小簇杜陵詩錢塘沈名蓀數
 盤荒準入煙墟老樹多邊結隱居此似輞川還孰勝覺來風味更

六
 月
 斤
 卷
 一
 一

日

蕭疎指點崗巒記水痕穿林度磻識前青社先賢詠李遷梧李公

村他時相訪應無誤禿尾驢騎直到門山木床敞葛帳吟答

寶磊矧矯若孤巖松罕邑著茂績禱神弭災少貴宰祀縣功在烏

和秋蒼上官為歎息清節留奇蹤天全得酒趣退作渠邱農厥人

談世務罰以玻璃鍾詠馬應龍伯光佳公子少貴宰祀縣功在烏

岡河德留冬生院力學富著述博稽勤筆硯東國綜洽稱綴文餘

百卷幾渡清汶津仰古懷前彥詠張繼倫張仲命世才磊砢森千

文大義公獨掌枕戈五夜勞募士千金饗擋拄孤城完功績貽閭

鄰渠邱萬室家懷德默稽穎曩賢忠利侯崇勳紀異壤書生勤行

問風烈差相仿既鮮時筆書又無九老圖歌邑人張在辛八十九

厚爵賞適迹古斟郭慨息生遐想九老圖歌邑人張在辛八十九

獨稱雄角中歸來三十載勳名猶說舊司空曰周高君隱西村經

銜傳家號德門秉性質直兼好義年八十七古風存齊年又有州

司馬德重賓筵稱長者篝燈入夜課兒孫湖公世胄傳弓冶平子

已逾八十二學佛學仙皆有意飯餘拄杖過東鄰開元往事尚能

記隴西老人在大陸友恭承先森喬木眾仰公毅清如鶴階祀種

樹都成玉多才曹氏更翩翩壽登八表看蟬聯文章時輩尊先輩

瑩慶並茂雙丁二陸廉吹壘篲吾家中庭柏葉青邇來自號張

柏庭年少亦復過九九得參末座分餘榮九人七百三十餘還比
 彭錢是後車年高德勁須自肯好存忠厚作權輿欲存忠厚當
 勉過夫相規強為善若能德七子詩社歌邑人辛健桂席公詩格
 壽雨不虛九老之實乃可踐巨冊擲付求丹鉛琴溪曾不落落
 緣與臺郊賀奴閭仙往時須戒清公禪夢西腹苟何便便大歌人
 驚古琴篇旬日培余喜欲顛清而妍態如春雲靄青天咏史古意
 希聲冷吟鳴孤佐商山格律清而妍態如春雲靄青天咏史古意
 尤盤旋霽亭敏捷今謫仙倚馬立成字百千鱗介砂石下大川質
 民作鏡苦磨磚形模宮體心陶然玉鉤金鎖寫聯篇旋亭初學祖
 杜陵編後於聲蘇嗜之偏興酣湧如百斛泉老我奔汗難為前
 孫廬墓詩色人陳舜錫贈馬錫馥重披荆棘卧荒塋夢想瞻依血
 霜色骨瘦頻驚落葉聲更憶脊今泉路香白楊衰草恨難平張在
 辛贈馬錫馥幽宮已閉隔黃壚築室時思母氏助百計難酬天易
 老一抔相對淚全枯茫茫海水平勞精衛瑟瑟林風泣夜烏毀瘠如
 斯幾滅性九原應亦念兒癯曹益厚贈馬德元錫馥孫也行
 行桃源村言訪孝子廬孝子者誰氏扶風耕田夫屬毛亦離襄與
 人人豈殊生事致孝養菽水徒區區自昔曾王父禮教曾非迂大
 椿忽已折悲風吹輻車嬰兒失中路白日慘不舒馬鬣封遂成不
 復循舊途吾親在原野吾何有室孥依依一杯土哀哀感路隅或

持一畚缶或持一管蘆築室真不日孝子奉主居稽顙謝鄰人旦
 夕惟號呼何必致大烏無心集慈烏三年因極報眼淚茲已枯昔
 聞孝子祖六載邱墓俱孝子抱孺慕先後同一符譬如景與卿遙
 遙炳天衢又如慶與鳳疊出告帝圖錫類從孫子斯言良不誣我
 來過德里歎羨遍開閭血淚之所染草木皆敷腴世豈無善畫至
 性疇能摹作詩告采風為我達上都會見天褒來鳳藻耀璣珠
老憨歌 邑人曹涵渭畔挺孤竹經雪何青青空谷茁幽蘭無言抱
 堅貞古今節義關血性朱門白屋無殊情蓬蒿苦節多湮
 滅遂令閎閱專其名吾邑東鄙荆布女狂且橫結同心侶操梅有
 日賦桃夭蕉心已捲蓮心苦遇人不淑奈若何月落空梁淚如雨
 可憐命薄薄如紗憔悴春風怨落花拜別孀姑依父母宛然處子
 尚無家亡何夫亡計入耳摩笄一慟墜牀第妾無夫兮姑無子姑
 無子兮姑亦死妾身無夫心有姑盍往歸乎全終始歸操井臼慰
 高堂高堂梁肉獨糟糠寒暑投衣恐不早琅琅刀尺鳴空房空房
 坐卧人聲寂情作寒山一片石五十年來稱未亡姑以壽終賴其
 力當年儻化雙鴛鴦烈烈分究何益戒里紛紛笑不止老憨老
 慈憨如此青春坐夫生人趣白髮蒙頭今老矣吁嗟乎老憨老憨
 不可無古今節義資匡扶脫令舉世惜紅顏柏舟一章直可刪
雙節嗣徽詩 諸生韓湑妻馬氏年二十九守節子知恭復卒媳高

焮吉詩曰一門砥節兩共姜姑婦相依稱未亡免老蟾孤秋漢
 青天碧海夜茫茫茶經如盡心同苦荻到書殘字亦香再世幽光
 泯不得行看丹詔下渠陽邑人張在乙詩曰阿兄曾續青州志
 歸日為余頌母儀傳說韓家有雙節後先輝映女中師吾家亦有
 雙賢母兩世寒冰對曉霜今日拜題雙節傳不禁清淚滿衣裳膠
 州高鳳翰詩曰人生有筆墨唐喪皆無禪惟於名節間權可爭國
 史要須是非真剽竊亦徒爾所以自肯人嚴峻不輕被卓哉渠邱
 風雙節得韓氏兩世女程嬰鬚眉羞男子再拜讀頌言歷歷畫掌
 指我能信諸君固知非溢美重以里巷傳大義荀人耳吁嗟近世
 來名隨勢位起常見大官宅綽楔如櫛比幽岩冰雪埋碑咽墓門
 水浹枯孝子心天閻悲萬四世節孝詩秦登俊妻辛氏早寡撫
 里作詩貽後昆用告采風使慎娶劉氏慎又卒四世孤孀白首一
 孤行基亦娶張氏基卒撫孤慎娶劉氏慎又卒四世孤孀白首一
 節里黨稱之邑人曹益厚詩曰噫噓嘻吾渠秦氏峻節酷且艱幽
 光一片冰雪同清寒雨來姑婦相繼幾百載渾如長夜慘淡無朝
 暄故當其截髮長慟泣血衣殷日月為之薄蝕天地為之倒翻苦
 雨淒風茅屋暗中黃泉黃泉不到蒼昊窗傷哉藐孤一縷千鈞牽
 蒼昊下誓無下之黃泉黃泉不到蒼昊窗傷哉藐孤一縷千鈞牽
 將落未落懸崖石欲絕不絕枯霜根前路何漫漫固知死易立孤
 難手口綢繆心力殫窮陰幾見陽春還今上龍飛初建元幽闈

寒谷共昭宣文孫奮起掀鯨浪稽首當途叩天閭帝曰俞哉
 降旨温烏頭雙闕旌其門兼之秩祀陳芳蓀其報也如此觀者如
 堵牆過者且停軒昂藏顧此七尺軀可能俠烈問閨媛凡人皆羨
 承恩歡須知倚伏禍福非偶然為想其苦節獲報含笑九原方且
 喜極而悲恨前此多事於造化御試詩邑人張扶與閻連雲拂
 而何有乎人世之愛慕與嗟歎御試詩曙開忽聞恩向日邊來
 詔傳臺閣逢昌運策獻天人試異才樸棧得均霑雨露草茅也
 許親蓬萊儒生莫厭青氈冷自古文章列上台寒窗半世歷冰霜
 何幸新瞻日月光隊逐鵷行來殿陛身從鶴禁效趨蹌御爐
 給火燃官燭克食堆盤吸玉漿温語頻加傳貝勒聖皇思北海
 天送李若千分闡江南幾許長一代人文歸上國六朝風物入奚
 囊天晴鍾阜綺雲麗月滿秦淮丹桂香題雪舫集邑人張扶與
 饒有鑑衡知不爽江南名士任平章 題雪舫集本生江國山川
 鍾秀靈曉雲天柱紫秋氣海門青奇思雄南 哭張仲修 蘇縣陳廷
 楚高才壓北溟浩然發長嘯光動少微星 哭張仲修 蘇縣陳廷
 遊人風塵日逐逐天益好弟昆遠莫我肯穀陡驚來訃音萬感縈
 心曲掩淚溯生平其人敦且篤畫荻奉萱堂雁行時肅肅姪孤教
 書史妹貧資布粟里鄰觀而善長者同聲祝從來仁則壽壽期
 添海屋胡年不德稱玉樓召偏促問天天不言東望慟一哭宿

洞峪諸城劉翼明南山深處問南村飢渴斜陽地主尊衣有神珠

門偏具隱心無隱迹芳草見王孫桃花流水春開甕細雨斜風客到

只將藥果種仙根 悟山夜行 壑中水光翻落日霞彩亂西風獨

樹荒陵驛窮途白髮翁相憐若相識邀我宿堂東邑人劉芳曙苑

折入蠶蕞置足竟無地怪石欺我懦故作猗猛勢一綫逼深潭捫

蘿幸弗墜陰風嘯谷底腥帶虎狼氣耳目尖聽睹安危爭敬肆不

閱險路艱安識坦途易我行既在險所持貴凝志回環出絕壑一

燈耿林際深愧主人情杯酒息 大 水 行 邑人張扶與我聞崑崙倒

魂悖夜久依孤藥志不成寐 挂黃河東奔濤直瀉呂梁

洪蛟瑤震蕩金堤走煙村漁市隨飄風又聞江潮怒打吳越城鐵

弩百萬勞射土淮陰囊沙餘古壩智伯灌趙誇奇功耳食怪論目
未睹荒唐有無疑信中乙未之秋水伯怒翻盆十日雨如注彷彿
昂陽戰酣時奔雷激電雜煙霧官衢泥淖濡車輪曲巷洪流乘船
渡南郭壇邊急瀑懸穿林百道來飛泉啣岸潰堤勢澎湃中有神
物恣蛇涎蹴蹋波濤肆天矯平原積水成長川印臺露頂不盈尺
十圍高柳沒其巔婦子奔逃鳥獸散回顧地舍聲悲酸腐儒抱書
伏老屋壁敗垣頽神骸瓦礫疾催霹靂車欲折坤維翻地軸傍
惶時懼無地容妻孥環泣愁傾覆鄰里相逢喚奈何中堂滴瀝滌
洄波桑土餘生遭劫運吁嗟彌月淫霖多蒼黎叩祈白帝憐颺風

六 月 廿 六 日 一 二

撥霧瞻青天安得旭日杲杲木黍秀西成粒粒盈中田灘洲汶浦
魚可取中秋皓魄影娟娟南塘水月舒清嘯西灣蕩漾橫苗船結
社釀黍千餘石野自贈詩音沈那免哭歲暮倍傷神此難為客
航蕭鼓歌豐年 邑人辛宜岷江海風塵數關山血淚新
還家愧作人有生飲 古琴歌 邑人周錫瑄名琴舊出衡藩府良材
餘恨去住總酸辛 何羨百衲補昔日千金購得難可憐
今日無人取金徽玉軫慘不幾度頻摩淚如雨遙想前朝大分
封遠隨青社昨茅土此琴此際得知音古錦囊開從容撫宮商送
奏陳華筵涿水松風一再鼓華筵未歇曲未終震裂朱絃動鞀鼓
乾坤再造檻車來空悲變徵驚變羽蘆溝不歸帝子魂宮殿頌夷
理木黍內府宮絃盡散亡伶倫併走多愴苦黃箴玉笛難瓦全百
花檀槽毀村姥此琴竟得獨晏然呵衛疑有鬼神主傷哉零落百
餘年廣陵散絕痛幾許攜陳無復繼善堂妙手難逢李清字盈耳
爭誇靡靡聲誰能端冕來聽古世盡好瑟君好芋人方重文君學
武斯言千古有同悲琴耶人耶將安處我家有筆鐫刻精墨走龍
飛兼鳳舞臨帖珍重記當時繼善子印琬朱縷出處與琴正復同
切須什襲防滄父君不聞大小忽雷雨海潮亦從鼎革歸市賈精
華理沒長安塵歷年不售羣相侮最後愛者有東塘絲聲喜逐歌
聲吐古音況復好者稀疏越番番與世忤我今又讀力堂詩真賞
無人倍淒楚愧我雖非賣音人也擬作歌共琴語中郎不作鍾期

亡縱使萬張氏祖德賦宜興陳維崧安邱張杞園先生以家乘示

金休輕子汪洋管幼安揮金之所趙邵卿賣餅之鄉則有天上張

龍從灘水汪洋管幼安揮金之所趙邵卿賣餅之鄉則有天上張

星人間公子舊家漂母祠旁風往淮王城裏常負笈於中原遠卜

居於仁里龜因食墨以相攸鶯為遷喬而戾止時則灣名涼水莊

號高柯小沛則田廬不別新豐則巷陌無訛陸氏之弟兄宅惟列

屋杜家之少長郡夾長河椒聊行以愈碩瓜瓞綿而更多蓋淮南

張氏之在安邱者遠乎渺乎代不知幾何也恆慙覽夫八垓更流

觀夫十禱疇藝菽而得麻疇種松而遇枳華門生執戟之郎戟戶

有負薪之子廷堅之祀忽諸若教之鬼餒矣雖天道之循環實人
謀之臧否惟福善與禍淫蓋鑿觀之甚尺術宜尚假於筵筭理更
何煩夫卜筮閱數世而武安勢隆隆其將起且夫梗枘欲直故屈
其枝雕鶚將翔善愚其色老其拔地之材厚厥培風之翼以武安
之窮經暨東津之種德徒誇翰墨之勳未食詩書之力固履運之
將亨抑遭時之尚塞惟樵夫之終晦賴髦士之蒸蒸彼前賢之演
祚需式穀之繩繩命以基而始固福以斂而愈增驗高門而若券
規近事以彌徵築架文林煌煌霖海藝苑君宗人倫模楷檢身則
跬步矜莊御物則丰稜耿介恂恂執玉之容抑循牆之戒爾乃
禮遵內則卦揲中乎笑史巫之紛若秉忠信以威如少艾誰忼韞
積保千金之璧襪祥不惑揮鋤唾徑寸之珠捐長物於生前人安

忍負返遺資於歿後信不能渝此公細行之昭昭而大端之皦皦
 者乎於是天牖其衷夢呈其貌五福齊臻千祥並告庭來賈氏之
 彪室產椹家之豹蛇盤筭上知為將貴之徵蛟吐懷中識是能文
 之兆詎期千載而還復有三張之號伯兮嶽嶽李也曠曠暨失仲
 子實號三張時則族望淹華門牆清峻長兄既繡虎羅胸李弟復
 高蟬陪鬢客到集賢之里鶴蓋成圍人過通德之坊犢車成陣烏
 啼府畔遙知御史之家鷁畫船頭羣問孝廉之信揮毫空齊魯之
 場持斧下江淮之郡繁次公之績學屬時譽之推賢才邁班揚以
 上身居季孟之間第五則何慚驃騎盈川則詎愧盧前射策而名
 喧日下談經則聲溢天邊况彼鯉庭仍生驥子階既名蘭園還字
 杞髻齡讀諸父之書壯歲撰一家之史思親則獨行深瀉述祖則
 高文清綺夫乃愴孝廉之早沒悲大阮之先零僅馳情於想像終
 結念於生平園中之橘刺藤梢游蹤儼在楮上之龍跳虎卧手澤
 如生抱蔓摘瓜腸斷道旁之賺求魚緣木人傳樹下之羹若夫遠
 泛淮揚長驅恆代企季父之勳名訪清卿之梗概殘旗凍鼓天雄
 之涕淚恆新古戍空營魏博之謳歌斯在榷鹽而績奏熬波轉餉
 而功成賦海相逢南國之舊人盡說西臺之遺愛既而還轅稷下
 近轡渠邱愼明經之耆德湖厥考之遺謀嵇中散琴絃餘音未杳
 徐景山酒器殘憑仍留四壁奇香尚繪宣和之博古萬竿風竹猶
 傳墨派於湖州一聞雪松之名情深枯椽但見葡萄之樹淚滴松

楸能不景前嶽之未沫而悟來軫之方遁也哉
嗟三辰急景四節流波陶彭澤之田園荒蕪已甚
惆悵如何懼前修之莫紹苦去日之無多然而于氏門邊千年喬木
樂公社上百尺藤蘿定知平子之遺代皆擊轂預決伯松之後
人盡鳴珂家和在陰之鶴塾留時術之域染翰方終已為鳳由作
賦濡毫有待爰因鵲起興歌曰安邱之山鬱然蒼兮安邱之水
浩無方兮疇為寓公臨淮張兮山高
水深並無疆兮宜爾子孫永悅康兮

附文

記御墨 邑人張貞 世祖章皇帝天藻飛翔且深畫理寫成多賜
近臣劉少傅得者尤多遂築 御墨樓貯之貞每過從輒

獲瞻仰一為雲林雪景山巒村樹凡作數層雪光林影遞為浮動

一為米山墨瀋淋漓極酣適之趣一為墨竹最得李息齋法一為

梅花任意圖掃天真爛然一為葡萄雖撥墨為之意極閒適殊不

草草一為達摩虬鬚碧眼所履葦航一花五葉儼然六祖東渡風

神各印 御寶又一條印作二十字云寄興圖書漱六藝之芳潤

怡情翰墨措萬物於筆端 世祖雄武冠世得天下於馬上又致

政治理身致太平而翰墨圖 記殊遇 邑人秦勳吾師馬琴亭夫子

史之樂與寒士角真人也 諱長淑字漢甸中雍正庚戌

進士淡於宦情具呈改教職奉旨以知縣用者分發各省惟改

教人員內或有可用之才着帶領引見夫子奏履歷畢上問

何故改教以不通吏治對上曰吏治有書爾讀書人一看可解

又奏臣短於才雖讀吏治書亦恐不能應用上曰既如此說朕

檢一小縣爾勉強試用一年何如遠不敢復對謝恩而出試用

於保定縣調監津陞磁州知州三載以老告歸人營求而恐失者

夫子以固辭而反擔山封礦記邑人馬長淑前朝神廟時遣中官

得之真殊遇也

疏中康熙己亥臨朐略水村人偶得礦砂時方有事西陸中丞某

奏請開濟充青登四府礦場以佐軍需簡部員六人創看歸安陸

巢雲先生與馬庚子五月抵濟南甫下車與中丞約勿犯廬墓田

園勿納四方亡命勿擾地方薪未時有生員門某自言能識礦線

氣馱甚張隨在與官府抗禮謁先生先生呵曰爾儒生也不謹身

修行而蠅營為乎抑山左生靈何負於汝者乃臨之耶稍不戢斃

杖下矣其人大惶恐稱病去既分府開採青州諸洞有挾勢陰據

者諸公慮為迫脅不欲往先生獨請任之奸徒屏足不敢近居略

水三月移會中丞封閉六井懲首事二人而去先生以九月十七

日至安邱二十日至擔山開採薪水之需皆出自給當事以朱提

若千至笑而却之惟日與諸生講學論文以為樂鑿有五井得不

償失復移會中丞閉之遂去安邱至會城與同事極陳無益情形

統攝邑中又大亂先大人義不可辭復出而應父老子弟之請先
大人任事即治城塹循器械枕戈礪劍暴露城頭者五閱月飢不
敢食勞不敢息雖流矢雨集未嘗少卻也邑中舊有兵三百至是
增甲益校至千二百人請於臺察擇鄉人李景隆者假名偏裨以
將之日夜訓練隱然成一方鎮賊屢聚眾來攻拒守既嚴復提親
兵隨所向禦之皆殺傷過當由是賊不敢至城下又以四境不靖
姦宄時發為遣游偵設斥堠以伺其動靜蠢動甫形即剪刈之勿
使滋蔓又以揭竿者眾不忍盡殲設方略以招徠之羣盜感先大
人威惠類首就撫者數萬人自是而人始望更生矣於序先大人
一老書生無勢可憑無責可任祇以事變當前忠義岔涌遂出而
任怨肩勞以弭一邑焚突之禍始猶佐令奏功後則獨身擋柱非
德望足以蓋眾才略足以匡時疇克勝此所尤難者功成之後無
德色無矜心杜門自守口不言勞有古大臣之叢先生重修學宮
風而無其位此風人志士所以致歎於千古也
記邑人張在辛邑必有學學必有道亦已棄矣雍正十二年甲寅
春蓬萊叢梅里先生來諭安邱展拜之餘慨然於學宮之無沼而
規模之獨隘也欲鑿而築之謀及紳士因不踴躍趨功
旋奉檄攝篆諸城學遂不果明年返自諸與邑侯席公泰捐俸首
倡度地開基鑿泮池外建兩坊對峙規制宏敞泮壁煥然完整一

時諸士子欣相勸曰戲門已剝落矣崇聖祠亦將圯矣是未可以
落成也於是先生毅然續為之又明年崇聖祠戲門而外櫺星門
禮門庠門名宦鄉賢諸祠次第重修而殿臺神階猶未整也今年
先生復捐俸經理上下九級交龍柱獅燦然一新抑且拓修兩廡
補足木主添設祭器更於明倫堂西偏特建省牲房三楹而工始
竣是役也歷吉於雍正乙卯落成於乾隆戊午四年中缺者補廢
者與經營締造俾吾邑重睹廟貌之盛而文章禮樂於焉修明則
後之司鐸於茲者亦不至讓美前人而吾學可常仰廣大光明於
不墜矣先生名淙字石甫文登人寄籍蓬萊丙子科副榜同寅顏
公紹魁及我輩王壽長孫懷祖李仁育馬曾壽曹廣善辛銓皆與
有力者例得甯先生祠堂記邑人為長淑康熙四十四年乙酉甯
並書是為記甯先生祠堂記伏菴先生來訓吾渠振古興行砥礪
士節與邑宰不相能投牒上官俱去庇弟子也獄既起邑人譟而
言是實生我先生自郡還男女焚香迎道左抵署負薪米獻者踵
相接製彩衣為先生壽奔走滿衢巷庭不能容擁先生高生出遠
市上環向羅拜瞻望弗及攀牆乘屋瓦皆碎時為丙午之秋先
生來未踰年也丁亥冬客死厯下權厝之越四年辛卯淑計偕至
伐石表焉自是渠士赴秋闈必祭之修治其墓又二十年庚戌為
雍正八年其紀綱之僕王智石來遼左渠人釀金歸其葬癸丑曹
子涵牧宦遠訪知先生未歸土執弟子禮登堂拜其夫人立先生

猶子之子法祖為其後卜首山而窆焉顧渠人益思先生之德會
 謀建祠汝水陽肖先生像祀其中蓋在戊午之歲距先生葬又五
 年而乾隆改元三年矣己未祠成寓書平戎謂淑故先生門下士
 受知最深俾言於石先生去今三十有三年於古為一世矣物換
 星移恩怨都盡而相與尊奉俎豆之若是於以信天理民彝不容
 泯滅又以見一命之士苟有涓滴之愛以及人其歷久不忘決如
 也是可風也已先生諱朝亮字南陽故遠左名族父諸生講孫叔
 通之學隨世祖八闕為開封蘇州兩郡守附籍萊之金州衛今
 仍歸葬寔遠州祠之成先生之故役董桓敦事焉前同王智石歸
 先生骨者也義得附書迎神送神之曲贊於後汶之水洋洋先
 生來兮正氣滿堂何聲何臭偕河嶽與日星兮照耀俎豆汶之
 水活活先生去兮中庭蕭索奚其適歸與首陽之雲兮上下飛
 友善亭記訓導趙埭事之觀成也可喜而亦可感也都人士不以
 有創為一亭以為休息之所愛我哉予以嘉慶壬戌來鐸斯土冀
 居西郭外因翰林子初翁假館馬氏之輯慶堂獲交席公葵之並
 張君振斯季守昆仲俾有學齋彈指間星霜七易同事者半作古
 人而席公以頽然老叟猶存今茲之舉較易於曩日之鉢而是亭
 以成己巳冬十月日也越明年置酒高會方山執爵而言曰向無
 此亭今有此亭亭固為方山作也方山去而此亭留則是諸君之

一草一木一磚一石舉非方山有也願乃為方山捐之輸之方山
何修而得此哉吾不喜吾亭而喜吾友喜吾友不但為斯亭也前
之不得與於斯會者感之念之後之往來坐立於斯亭者尚其顧
而思之邑侯段君克宗願之曰友善亭豈敢自居於善哉願諸君
足迹不出鄉里即以天下士為己任進之讀書論世而友千秋俾
中都書生與有令名則斯亭也因人而彰以視馬退山之茆亭但
滋游覽趣不同矣何必諸葛子
雲而後入陋室銘哉是為記
賢公治子長家語誌其能忍孔子謂其可妻蓋七十子之表表者
也生於諸邑而安邱之書院山則其讀書處云山名書院豈非地
以人重自昔而然乎山之上舊有祠祠有像歲久漸圯上人某將
因其故址而更新焉且謀去塑像而代以木主嗚呼異矣上人佛
氏子也佛氏之在中國非以像立教者與乃欲易像而為主蓋知
吾儒之教與佛氏異也意其人或如孟子之所謂逃墨歸儒者也
不然何拳拳於孔子之徒用心如此其至也明正德中有里民鞏
氏子者慕公治子長之賢於墓側立祠朝夕禮之至老死而不忍
去邑令韓公高其賢賢之意為文記石士大夫聞其風而愧之今
上人不急不急佛宇之修而思所以表彰先賢視鞏氏子尤難馬其
為吾徒所不逮而足以愧當世者又何如也尚冀吾徒好義之士
各出力之所能以共成厥志勿使上人擅獨善之名馬其亦可矣

重修書院山公治祠小引

諸城王

安邱縣志跋 壽光安致遠聞此志成於馬中丞公子儀部君之手

其名耳續志則王君敷彝所成子友張君杞園稱前續兩志可與

崔後渠安陽康對山武功志並傳子閱之見其義例嚴而核遺詞

就班深得史氏遺法渠邱雖小士大夫皆知讀書考古以文雅相

尚故名入輩出彬彬乎質有其文也吾邑幅員倍於安邱猶望後

來之秀推意斯道勿使鄰封 馬震潛詩卷題詞 明邑人張嗣倫余

有秦無人之歎馬斯善矣 西湖游蘇州揚州及燕京帝都自燕無

三友人曰吾須游杭州覽西勝諸友相視而笑弗信也一日戒童僕

所不游期於歷盡天下名勝諸友相視而笑弗信也一日戒童僕

治遠裝不謀親戚不辭朋好仗策而出一童僕互耳語主人馬往震

潛微哂曰杭蘇揚燕俱欲往惜不能一時徧及其先往燕童僕於

是引馬首就北道途中所經適意處無不低徊留之亦隨在輒有

吟詠雲散鳥沒不能盡記其猶能記憶者十三首到東游覽數月

興盡欲返他無所置一素卷抵家解裝偃息諸友賀無恙遂出

其卷曰此行無所得有詩數首幸為我書之以誌吾游友欣然爭

錄其詩且記其事夫燕固都會也其誰不游何足記惟往返二十

餘里無毛髮事止解得素卷一詩十三童僕惑其無營妻孥其

廢事則誠足記也自有此游以往震潛或有他事出門不數日諸

友遂相與驚詳曰馬生或向蘇杭作江山勝游去矣萬曆辛亥夏

五月二十一日題 曹升六珂雪詞序 宜興陳維崧霜凋魏帳月中之賸瓦

若有情天盍不老石如無恨石豈能言銅駝敲酥恆蓬秋至以偏

班細眼羨湖皇始以來代有不平之事十年關塞來往精靈萬古

河山憑陵鬼物縱復人稱恨其事奈愁何江淹工楸愴之辭鮑照

擅蒼涼之賦正恐世閱世以成川年復年而作谷捧黎陽之土埋

此何窮積函谷之泥封來不盡然則劍鋒盡缺總為旁觀壺口新

殘只因細故青史則幾番劉項誠然於我何堪黃河則滿地哀曹

違曰干卿奚事或蝦蟇陵上暮年紅袖所閒談或鶴鵲樓邊故老

白頭之夜話或武擔遇客曾看石鏡於成都或藍屋居民偶得銅

盤於渭水苟非目擊即屬親聞事皆磊砢以魁奇興自顛狂而感

激挺牀叫絕蚊蟻夫矯於胸中踞案橫書蚪蚪盤旋於腕下誰能

鬱鬱常束縛於七言四韻之間對此茫茫故放浪於減字偷聲之

內吟成十閣事足千秋趙明誠金石之錄遜此華文郭宏農山海

之編慚斯麗製嗟乎煙霾天水巖宮既蔓草千堆浪打章門灌廟

亦殘陽一片悲哉季札劍影徒青逝矣劉郎匣痕尚紫銀槎泛斗

難追博望之勳名彩筆凌雲空羨馬卿之詞賦何況長平繡鐵恨

血全紅大食冰蕘愁雲半黑織成魚素黏海氣以猶腥掣得龍髯

鼓天風而浩怒豈非譎譎出出諾臯之所未收怪怪奇奇齊諧之

石月斤志卷十一

所不載者哉僕每怪夫時人詞則呵為小道僕非傑作疇雪斯言以彼流連小物之懷無非淘洗前人之恨人言燕市寶悲歌慷慨之場我識曹君是文采風流之裔狂歌魁沓聊憑鳳紙以填來老興淋漓至命鸞笙為譜去張起元或語序徐文駒明嘉靖間濟南李于鱗與太倉王元美相應和矯首怒步目空作者雖其學不無剝割摹擬之病要之讀書好古不可謂非中原文獻之所屬也安邱張杞園先生以名家世胄蕭然物外身任斯文絕續之統著書學道屏卻世勢其所刻文集有曰半部有曰或語余受而讀之大略色古氣蒼意高筆健波瀾起伏往往有一唱三歎之聲直欲起荆川震川相與頡頏於百五十年之上又非于鱗輩剝割摹擬之作所敢望其項背也昔司馬遷游覽天下名山大川故其文疎宕有奇氣先生家世青州所居為東樓公遺壤聚書萬卷知人論世而性好縱覽足蹤徧天下於燕眺黃金之故墟於吳弔吳宮之花草於江陵白下歎江左風流文物之盛無復存者以至西湖明月錢塘怒潮廣陵隋苑之遺淮水王孫之蹟所至泯泯徧憑弔感慨悲歌每歲必一過其地而先生之意氣豪矣其游日益久其學日益精其文亦日益進吾師王阮亭先生方今之歐陽子也嘗序先生半部藁推許甚至余無以益之所謂游夏不能贊一辭者也今而後一推一乾風流劉崑右讀書日記後序可挹中原文獻之傳不慮其無所託矣夫

邑人李澄蓼亭先生既謀刻直齋讀書日記又取記疑冷語原本
覆之謂孫樹本與澄曰是尚有漏義曾先生之言而可棄諸於是
澄方邁山閣草土餘生荒迷失次與樹本再三商定謹錄若干則
以質於先生先生命並授梓且語二人以言識其後澄嘗考直齋
先生生當勝國之末良知慎獨之說蔓延於天下天下學者名為
稀孔而郊朱實則祖陸而宗王濂洛關閩之集幾於廢置不行沿
及國初大江以南龍溪畿山之餘論未泯孫鍾元講學夏峯十
一徵而不起北方之士翕然從之先生伏處海濱望夏峯之門遂
巡不進獨抱考亭遺書理首其中卒能體之於身得之於心融釋
脫落於天人理氣之離合諸家所齟齬而未安者皆有以得其受
病之原而上合於朱子是豈中無所主而徒以虛見承襲受轉移
於負販流注者與抑澄竊有慨焉自古雖有強力獨行之士要必
得大賢以為依歸良友以為夾輔獨至先生前無所承同時無所
與齊魯多賢方汨沒於功利辭章而不知返不以先生為魔則以
為妄矣既無朋好之譽揚公卿大夫無從而貴以縑帛莞抱影
日與二三門人講學於荒煙寂寞之墟曾未有過而問其學為何
如學者縱先生不以此介意不可謂非所遇之窮矣雖然先儒有
言道之所在不係今與後己與人三十年來星回燧變聲跡銷沈
而蓼亭先生發遺編於煙煤蟲篆之中巢雲先生又躋之於石門
平湖之列先生之學將燦然著明於世未可謂先生之不幸也蓼

亭先生以先生之學及門澄故述先生孫樹本讀禮竊注序
見地之卓立志之堅與同學共相砥礪云
獨戴記即儀禮亦不能
闕循觀戴記一書昔人謂多蕪雜予謂微婦人為舅期而為長子
無疑焉即以十一服而論母妻之同服也
三年也妻為其子期而庶子之後父者為母總也大夫為庶母無
服而服其貴妾也皆義之不可通者也而莫謬於繼父之說禮曰
繼父同居者期夫天無二日人無二本母有繼也父不可繼也其
宗殊其氏別何得以父名之而為之期乎其責繼父之道曰以其
貨財為之築宗廟歲時使之祀妻不敢與焉此尤人情之所難而
責為繼父者以必能乎且不能即不為之服乎抑不問其先人之
祀不祀而必為異姓繼父之服乎此殆六國嬴秦之俗禮義道喪
婦貞不厲為之子者不以謂他人父為恥而因為之辭故嘗以為儀禮
遂取其禮以亂先王之制而又假於傳以為之辭故嘗以為儀禮
非盡周公之子夏之舊矣蓋漢初諸儒好古而寡所擇古籍亡缺輒
以見聞補之儀禮於諸經最為完善然其可疑猶如此豈非言禮
者喜博而不務慎之為害與安邱孫立菴先生予之父執其生平
俯仰可宗揖讓可貴深達述作之意所著讀禮竊注析之精而擇
之審矣書於服制為詳而亦力辨繼父之說之謬乃知予疑之非
臆也然先生折中既當猶謙謙不敢身質命曰竊注而曰意不足
著其義竊取之可不謂立言之尤慎者與嗚呼是禮也夫注凡五

十七節原藁雜錄同邑劉子函三稍以類次先生李若干質菴集

序昌樂閣循觀雍正間安邱樹本孫先生為道古人之學及所以為之者

甚具予方蒙稚未能用其言謝去及稍知注意思求於明而兩先

生皆已前歿漢然無所向也若干敏於誦習雖莽蒼之游必以書

自隨少年為文即能謝華取實篤意真粹寓東武後更恢以傑奇

要其旨趣莫二也年纔五十而卒識者歎惋謂以彼好且勤未見

其止然由其所以得可以傳矣先是邑中有張徵君祀園與王明

府數彝相切劇為古文詞祀園之子卯君游而因私淑焉既而同事馬

其指授兩先生者與祀園之子卯君游而因私淑焉既而同事馬

磁州漢句漢句亦師祀園者也其用力既久而又以源流之善師

友之賢故卒能有所成就蓋嘗論之古文之道至明人而始衰亦

至明人而益正明人獨精經義變而之散體不能別為格也故以

八股之氣入古文則秦漢以來奇宕震變盡矣以論孟之道入古

文故往往不畔於道欲救其衰而失其正者空同也

振其衰者震川也鈍翁以震川為宗祀園之學又鈍翁發之祀園

不任行其說於一邑士之承學者皆守震川集如科律而師弟口

授其所以然蓋吾鄉自滄溟尊尚空同至今有述而安邱不知也

七八十年中作者輩出風流相映此豈偶然哉詩云所謂伊人在

水之淡湖佃從之道阻且右言先民既邁求之雖勤恐失其道迷
 其方焉然則窮鄉晚進雖有力而無藉以興而不能自致於斯者
 豈少與孫先生所著讀禮竊注予嘗序而行之李先生之甥劉子
 玉三復囑予訂質菴集予於兩先生非無文字之緣而竟失之當
 年此予之**辛氏族譜序**膠州法冲宏人生而有姓姓而後有氏姓
 所以歎也**辛氏族譜序**一而氏不一古人重姓則譜斯作焉記曰
 禽獸知母不知父若士大夫則知尊祖矣尊祖故敬宗敬宗故收
 族別之欲其極嚴聯之欲其極親是故昭穆以別其序也上投中
 級旁殺以別其等也以三為五以五為九為袒免為無服以別其
 族也立廟以萃之胙土以分之世系以表之譜牒以聯之先王之
 為此以親親也非以為文也辛氏自萊陽遷安邱在前明宣德間
 數世至大司馬公文學功烈著名竹帛嗣是奕葉顯貴為著姓大
 族未有譜蓋貴賤貧富相視如一居無以譜為也入國朝來生
 齒益繁衍然仕宦者少或散處鄉村不能舉其氏族文學某君懼
 焉乃治為譜繼以雲舫君又江峯君佐之久乃就其義例有十最
 後一例曰養子譜或疑焉余曰奚疑哉先是安邱有辛姓未知所
 始寬福公初遷來嘗與同居先辛日益微有依託後辛求為撫養
 者是以前有養子之稱譜也者所以親親也人之言曰兄弟世疎朋
 友世親然人信以為朋友之子親於其兄弟之子乎亦猶之惠術
 也云爾或引而近之或推而遠之知其所以遠之之意即知其所

以近之方昔之人合異姓如同室今之人等同姓於路人如辛
氏之譜乃所謂別之欲其極嚴聯之欲其極親者也合食綴長擇
弗殊婚媾百世而弗通斯亦無秦氏族約邑人秦勳一立族兼優
惡於先王之禮意也夫是為序勸懲之事悉以其命行之一立族
者為之各支取一人族中賞罰勸懲之事悉以其命行之一立族
正擇族中明曉事體心無偏曲出言侃直者不論家道貧富名位
尊卑輩行大小各支各莊取一兩入族間一切公務倚辦馬族長
總其成而已一重祭祀除四仲忌辰外每年元旦清明七月望十
月朔前期族正釀資公治祭品至期各率子弟齊集家祠禮畢
餘所有族間條約先講一過然後就坐一祭田能宦游者清俸所
積隨力置買多寡無拘立約聞官永不分析典賣選族人賢者主
之除納賦稅外修祠墓以供祭祀贍鰥寡孤獨置簿以明出入
學登科第者酌量賜予以示勸虛二十之一為貧者墓田一祖塋
禁採樵凡乘而過者勿得不下犯者有罰一設義倉每遇豐收各
家量力出粟入倉族正生息之過貧乏之家婚媾夫時喪葬不舉
者量為周給子弟失學者延師教導歲歉收乏食者計口授糧一
月必有會所以明倫永好也會以月計數則煩疎則曠也避朔望
懼妨公事也每二月寅刻族正先期布長檄置二几於庭一奉
重同氣也以每月二日寅刻族正先期布長檄置二几於庭一奉
聖諭廣訓一置譜牒及族約族人至以次行禮畢恭讀聖諭

及族約細加講解各敬聽不許離席私語犯者有罰生子者亦於
此日報名入譜命名不得重前輩一卑幼入尊長家雖疎族不傲
賓主一族中有忠孝節義無力請旌者皆以公費為之一族中儻
有作奸犯科之人大罪自有官法事小可私結者初犯杖之家祠
三杖而不改公舉於官治罪一族譜三十年一修若無能文之士
則但敘世系或俚語直記其事俾後有所考勿得以不文廢一戒
博樽蒲是好蕩產破家二戒酒喪德失儀狂樂招尤三戒鬪忘身
及親後悔無及四戒淫縱欲恣情蕩檢喪命五戒逸拋棄正業惰
游敗家六戒多言出好興我禍自召七戒濫交妄學豪俠比匪
致禍八戒驕盈心高氣傲滿必招損九戒貪吝損人利己天道難
容十戒刻薄詭富棄貧鄉黨側目一禁巫祝師巫邪術律有明條
婦人識見庸鄙入廟燒香齋僧跳神不惟傷財甚至姦盜不堪一
之嗣者勿繼異姓之子僕尤不可使隨主姓彼自忘其祖我亦瀆
吾宗也一族有爭端族長公議處正會集家祠令兩家各訴起事端末
族正評其曲直與族長公議處斷若情理實無可辨惟恃強不服
者公舉以官法懲之其不求平族長而擅訟及詛詈行兇者先治
其罪一族人與外人相爭亦必先告族長公議或當謝罪或當容
忍或宜鳴官一聽裁處一族長族正有事與族人同例本身不得
與公議一族長族正如有偏私許族眾臚列事迹公舉易孔孺人
之夫既為長與正矣而又為族所棄斯可羞也已戒之哉

行述 邑人張貞嗚呼不孝貞又為無母之人矣念不孝生九年而

今日其艱難荼苦百倍恆情數年以來稍得休息而吾母忽遘虐

疾以不起矣不孝雖號慕隕絕究無裨於逝者因急圖為不朽計

而一時之宗黨姻戚又爭訊母事狀將製為良誄之文以光地下

遂濡淚吮毫略述懿行以備采擇但當此五內橫裂昏迷晉亂之

時述何能詳伏惟大人先生哀憐之吾母姓孔氏系本曲阜後有

徙青州之壽光者遂稱其邑人高祖登仕公諱膠字德固贈國子

監學正以名德重於時制辭所謂讀書履善者是已曾祖別駕公

諱鼎以明經仕至陝西鳳翔府通判祖相禮公諱夏衡府引禮舍

人父處士公諱東周母劉氏吾母其長女也丁卯來歸柔順開敏

能莊事先府君處諸姊如姆人人得其歡無勃礪陵誅者尤長

女紅組紉就業竟日不出閤門即家人罕得一見也久之無子乃

稽首佛前然香燈自誓每於月之朔望必茹素縉經立程課誦至

丁丑而育不孝是後奉佛益虔蓋四十年一日矣庶母李氏歿遺

兩女子長八歲次三歲先府君語吾母曰兩子可念惟汝能撫之

吾母既受命為之視疴瘵推燥濕以至遺嫁之資裝節序之饋遺

一絲一縷無不竭盡心血吾母一生所寄僅不孝一人而吾母之

愛兩妹實數倍於不孝如世所云不異己出者似未足擬吾母心

孝在復勉為進食斯時也先叔父厭世未久復遭先府君之喪內
無期功強近之親外有虎狼窺伺之懼吾母以隻身獨手攜九歲
孤兒撐距其間不問而知其難矣先府君甫殮有內戚某者紈褲
子也挾父兄之勢武斷里中視不孝為奇貨責賄之使交織道路
嘗記其索一屏風吾母以先府君手澤所存堅不肯與即呼詈而
至并擊之聲遠震鄰里奴子數人皆羅拜祈哀無不飽其老拳者
時夜已半舉室張皇面無人色啟戶仰視黑雲壓屋一燈在明滅
間寡母孤兒相對飲泣至今回思猶慘然心目中又有老婦在耶五步
某亦屬內戚視不孝圓中有佳樹欲移置其庭中吾母親往止之
弗聽乃叱之曰鼠子敢爾以吾家無人故不知有老婦在耶五步
之內將以頸血濺汝矣其人懼復以樹植原處馬吾母曰吾之
所惜寔惟一樹良以漸不可長耳立命斬伐而歸於是又有族子
數人託名治喪雄踞靈幃之前嬌尾厲角勢將噬人吾母處以鎮
靜第腆潔其飲食溫和其體貌使無隙可伺而已久之其謀愈深
其計益毒流傳河懼一日數驚吾母乃遣人告吾外舅養徵李先
生曰保家室存遺孤以見夫子於地下此未亡人初志也今若此
揆其理勢非斃此三尺孤而矯虔其產不止也是獨有散之一法
在乃對几筵偏告戚黨大集宗人傾先府君遺橐千餘金昇之更
以某田付某支某宅與某子一日之內資產去十之七八所存惟
瘠田數頃老屋數椽而已先府君有出貸錢數百緡至是悉取其

券書燒之且榜諸門令通負者自安乃撫不孝泣曰吾今始貽汝
以安矣自是厥後家既貧落禍亦稍息乃遣不孝就外傅日舉先
德及鄉里故實可為勸鑒者以相訓迪內外家政亦漸就條理前
諸宗人多不自愛雖獲厚資而博奕飲酒緣手蕩盡間有以爭財
之故同室操戈由之隕命者吾母憐其困窮歲時仍周卹之迄於
今不孝與諸宗人處必推心置腹而不畧存疑貳者遵吾母之
教也已丑為不孝娶婦是歲不孝補博士弟子員而新婦又頗能
承順母意諸孫男女亦次第生昊天已威家門無恙吾母從此稍
稍解顏矣母體素健尤好力作入夜篝燈必集羣姬紡績一室以
身先之至漏下二十刻不止絡緯聲常與銅籤聲相應不孝恐其
過勞幾諫隨之而不能從亦其素懷微尚然耳吾母操家柄三十
餘年內外臧獲數百指不須不孝問其寒暖而望秋挾纊者吾母
之恩也歲在戊申值地震之變百堵皆傾不孝被壓以死信宿而
蘇吾母痛悼驚悸雖未示疾而肌膚不實精神漸減矣甲寅邑有
小警人心皇皇不孝奉母避地郡城是歲覺吾母性情語言多夫
常度不孝與婦心竊異之而未敢言不意長往之兆即見於此矣
嗚呼痛哉丙辰五月不孝游京師吾母病甚劇旋小愈不孝七
月歸來吾母益不孝背曰幾不獲與汝相見吾母泣不孝泣家人
環侍者皆泣亡何病起蓋自是需杖矣丁巳春不孝再游京師雖
日與士大夫相周旋以母體未健心常惴惴未逾月即趣裝裝都

門諸君子之愛不孝者多以逆歸為恨而不知其必不可留也四月抵里門吾母晨夕不孝必與婦偕往侍食且呼諸孫男女環繞左右吾母亦欣然為加匕箸然病日增形神日瘁非兩人扶掖不能成行至七月十四日而委頓牀褥間矣吾母自感病以來延醫診視多謂所患者不在瀉痢而在風痰非以丸藥預治之不可不孝稔知吾母艱於下咽故皆和為湯液以進是後醫方數易而效與不效常相半十二月十九日為吾母設枕之辰不孝率諸孫拜於牀下見母沈迷轉甚悲不自勝雙淚承睫吞聲而出不孝雖心知不起以前此乍劇乍減者數矣或可少延數時不意其越三日即儵然長逝矣嗚呼痛哉吾母賢明仁孝人無少長責賤接之以溫和即與田婦里嫗語如惟恐傷之其待子孫諸婦亦然尤不忍虐使其下不孝自侍膝前從未見以鞭朴加人晚年坐卧一小樓婢子有偃蹇者聞母訶責即避其梯下吾母操杖擊梯婢子必不肯出母亦釋杖怡然旋忘其過矣天性儉約衣履樸素食不重珍而最惡積財有錢必散之親黨外家失業相依者廩於別墅溫飽終身吾王氏姊故邑世家未幾中落吾母分宅與居醢醬以日給薪米以月給綿帛以歲給垂三十年不懈吾高氏妹遠往郡城不孝每以甘旨進吾母不忍獨嘗輒蓄以餉之陳衣之夕不孝輩料檢牀頭見珍果盈筐滕絨甚秘問之女奴則病中手裏留待吾妹者於是歎吾母之慈為不可及也已說者謂仁者必壽無不以

耄耄相期孰意年未稱老遽嬰疾輟轉牀第備諸痛苦五月弗
瘳而竟罹此大故耶天乎其真不可問乎嗚呼痛哉吾母之歿既
已逾旬不孝傍徨寢門如聞呻吟之聲而吾母不可復作矣貞亦
人子將何以為心耶嗚呼痛哉伏念吾母年十八而歸我先府若
又十年而生不孝又八年而先府君即世又三十二年而終於內
寢其前此者無論矣自己酉以來羣小狙伺諸蠹叢生真如蝨絲
之不可理如橫流之不可制如壞屋漏舟之不可堵柱吾母以儘
弱之身遭逢其際能審擇於禍福利害之關千金可揮一言立決
卒之全孤遠害宏濟艱難吾母之報稱先府君者亦已足矣嗚
呼不孝所述僅其可見者耳至若大厦忽傾漂搖一室其為肘腋
之彌縫家庭之調劑不堪對人言不忍出諸口者又不知幾何矣
不孝嘗讀史傳所載賢母代不之人然他人之所爭者在盛衰而
吾母之所爭者在性命他人之所全者在資業而吾母之所全者
在宗祊不知良史操觚當置吾母於何等也吾母生於萬曆三十
八年十二月十九日寅時卒於康熙十六年十二月二十二日子
時享年六十有八子孫婚嫁詳先府君狀中嗚呼吾母已矣鼎烹
之養既已闕於生前華衮之榮莫少酬於身後惟祈仁人長者鑒
此幽貞大奮董孤之筆俯狗烏鳥之私垂於簡編勒諸琬珉俾老
母即安下地斯小子永戴鐵筆山人傳

邑人孫自務山人姓徐氏
名天祥少攻石康熙中諸

張卯君李若干曹雪舫諸先輩並以文行名於時與先生共游處
 皆自以為不及也辛君江峯志義之士嘗為亡友王木舟刻遺詩
 茲復輯白雲廬詩梓以李孺人傳姚江黃宗羲孺人李氏安邱人
 行世余為次其略如此
 號祀園時祀園已孤家中落三母在堂兩妹皆幼孺人上事下理
 和藹之氣蒸於一門主祭祀以心為馨香事賓客以手集中饋祀
 園安心力學成名於天下者孺人力也孺人既為張氏勞薪而哭
 殤過哀康熙己巳值祀園危病孺人侍藥不飲食者四日又值一
 孫痘殤往哭而殞其年十一月十八日也從來健婦持門戶者亦
 多有入然不能不朱鹽瑣細林下之風缺然而孺人琴囊印譜飾
 以女紅牙籤十卷手自裝潢固慧業文人之亞也元之管夫人明
 之徐淑陸卿文雅流傳而田園闢茸孺人則兼有其長戊申地震
 孺人與祀園俱壓重樓下死而復甦孺人言此生夢幻一往不返
 亦復何苦傳燈錄中以女身而得度者亦或有之而孺人身不履
 增廟家不納優婆顧能脫然於死生如此豈尋常閨秀所及哉因
 為之詞曰王甥元雅夢入南山峯巒千疊流水一彎中有巍樓珠
 簾玉欄花皆優鉢鳥多白鵬愴失措知非人間女童啟戶孺人
 左焉起居既畢令之選傳此余舊居謫而復還速導之去置風甚
 寒元雅傳之河漢其言青溪軌跡湘水波瀾麻姑鳥爪
 姬娥玉蟾玉女隨星瑶姬采煙謂予不信有視陳編
 書劉烈婦

事邑人孫自務友人王淑晦為余言烈婦杜氏嫁劉氏子幾年劉

氏子死烈婦誓以殉以有身勉強進食飲既得男矣三日殤烈

婦歎曰晚矣私飲冰水數瓢凝其血以死淑晦曰烈婦未殊死時

腹痛不可忍舅姑察知之藥以勸曉譬百端兩輔愈固此飯含

不可啟其口又云其父杜本舅劉朝宗皆服役於我烈婦者人奴

之正末公舉**峰山李氏祖姑墓碣**邑人曹益厚李君金臺持一卷

詔旌其門**公**女二世祖諱伯良公姊者矢志養親終身不嫁行其高又相弱

弟力田起家露覆李氏功甚鉅因謂余曰吾祖姑其北宮嬰兒子

後一人與自我先人每思得當代能文者一言以傳於世遷延至

今未有所屬敢以為請余固辭不獲已竊惟古來忠孝節義往往

有逆以成順廢乃中權要谷激發於中心之所誠然特立不懼亦

必行不惑而豈必蹈常襲故哉今觀君所述即漢書獨行宋書孝

義傳所載奇男子亮節清軌或亦未能遠過抑不知嬰兒子養親

教孝聳振王后其所成就視此何如書缺有間矣後二千年而君

家有此奇行可謂孝義兼之者也其宜傳世何疑顧君之詞則既

備矣余何贅焉乃為詩曰兩儀幹運萬物肇始有夫婦倫乃有父

子賢知之過獨行其是豈以居室遠我父母爰徹瑱環爰潔滌澗

以養以葬屬離毛裏有弟孱然懼墮先軌執予同生而忘料視矧

家新造期功莫有迺屬操作服厥訓畝載起田廬問我伯姊迄今
幾世食德受祉疇廣樾蔭巍然蘭綺是宜孝饗報以千祀當矢志
先蚤應券此我景高行空所依倚惟孝惟義惟允迪止末俗薄媮
薑桂是儼匪參匪苓沈痼立起不審北宮視茲何似播我風詩昭
陽嗣于東海先生墓誌銘宋襄人于肇先生諱沔字伯源世為密
美也郡官以明經中選累遷商宿州刺史乾德初蜀適亂須才以
濟故成都守選用武人以文吏佐之都官以商宿治行高天子委
心焉以是上寬西顧憂入朝遷尚書郎勳賜柱國主左藏職修事
辦太祖愛其才未用終於京師有旨葬浚儀其孫山甫請於朝歸
葬安邱與其配祔焉都官清節垂範子孫守而不墜君幼機警歲
然不雜於羣兒獨出頭角有裘馬弋獵之好為鄉里雄踰壯乃折
節讀書馳騁經傳上下洞然尤好易陰陽性命之學先生長老與
之論者往往折角有文辭能詩下筆奇語驚人為流輩所推少不
飲酒短小精悍有先識洞照物表人不可欺每料事曰異時當如
此已而果然至六七十歲乃曰吾之所以行己克家如是足矣了
不愧於上下神祇人生天地間日往月之流如白駒過隙吾聞酒能
養老於是日嗜酒每置酒卧內往往讀書諷詠古人行事得意於
黃卷中已而獨酌酣醉箕踞而坐擊缶以歌陶然自得戶外人爭
變遷升沈禍福世間之吉凶悔吝漫不聞也古之劉伶阮籍輩得

全於酒者幾是乎晚尤好賓客園池花木幅中杖履彈碁擊筑以
 相娛樂春之朝秋之夕風雪之期自持樽坐於花間俯仰天地軒
 衣長吟悠然自得真達者也每戒子弟曰事有不嫌於心私不能
 辦者不可訟於公寔已自屈於道不屈也庸何傷或有貸於人
 雖致必償其子孫人貸於我不可責其必歸也享年八十一以崇
 寔三年六月己巳終疾革囑子孫必葬於園亭之南庶幾朝夕以
 游焉乃從治命歸柩於管公鄉瑞馬里先塋之前其配武功蘇氏
 漢丞相禹珪之孫也祖諱康考諱夏卿皆業儒嗣子擇行習明經
 孫二人玦環舉進士君孝友治家有法誨子孫以仁義忠孝故其
 後恂恂不出防範以世其家肇與君雅游宗兄弟也詳其學行擇
 行以大觀三年七月辛酉有事於襄謁余銘甚堅余豈敢辭其兆
 去君園亭相望不能一里所以從其志也銘曰長松落落兮疊石
 峩峩修竹娟娟兮嘉木駢羅春風始花兮秋水微波東西相望兮
 曉翠交柯營魂出游兮神鬼不呵醉攜藜杖兮散髮吟哦子孫勤
 孝兮朝夕對藝履冰競競兮恐地存址似續無怠兮付於後裔蓋
 棺八十兮有子有孫千秋百代兮事往名存過者必式兮先生之
 墳
張母陳太安人墓誌銘
 訓導趙球余讀儒林郎乾夫張君墓碣
 而維持不墜者代終之道與焉不有賢母詎保家聲哉於是採取
 行實為太安人誌太安人姓陳氏雜之望族州佐諱獻忱公第六

女閨訓夙嫻壺儀早著年二十三孀於張張之先有持詔祀園先
生母孔太孺人毀家紓難宗祏再奠待詔公蔚為一代人文載
國史儒林君其曾孫也生而孤特持家政弗克學銓授州司馬太
安人來歸事繼姑丁孀居也以孝謹稱生男子三女子二儒林
君棄世諸孤皆幼一以孔太孺人操心慮患者處之延名師嚴其
考課杜門不令出脩羊之供從豐而家用則薄以故居身儉樸學
有成就長德綱字伯振候選布政司經歷先太安人十七年歿子
善恆縣試第一院試復以第一補博士弟子次德紀庠名德維字
仲修附貢生先太安人三年歿子松恆入太學相恆登戊辰賢書
太安人皆及見之今枯恆以歲試入庠太安人不及見也餘則無
不業儒者三德經字季守乾隆戊申舉於鄉嘉慶辛酉挑一等試
用皖江余以是年借補輔唐司訓而季守俄以假旋其言曰德經
生九歲而孤刻不能離膝下自童試以至公車青郡百餘里省會
五百里都門兩三月輒心掉不自禁一旦望雲不見夢寐間常若
有啣指之痛反疑毛公之檄幾致誤我是以歸維時太安人七十
二歲春秋矣余來十三年上元令節為太安人設悅之辰筵饌精
潔座上無喧嘩客以為禮在固然及尋常過從一門兄弟子姪未
嘗作高聲語內外食指百餘肅如也太安人之家法若是因而詳
其內政什物器具有所未鹽酒漿之數用度有經不使過者周或
不足也易曰閑有家悔亡孔太孺人有嗣音矣卓哉太安人苦心

保世慈母而兼嚴父以養以教集四世於一堂儒林君賴有傳人
 他日季守叔姪膺民社本懿訓者惠厥師又以徵福德於無窮也
 歲行在戊太安人八十四歲以二月十有五日告終於南門裏第
 將以是年十月三日合祔於儒林君之所季守哀毀甚末能自述
 乃與善恒等泣錄成黨哀詞並前壽序為一帙蓋欲乞言以不朽
 其母也余與季守稱莫逆而相恆善恒枯恆入皆從余遊知太安
 人最悉不敢以不文辭至世次官闕已見於侍御史王公熙甫之
 文不復贅謹誌而系之以銘銘曰傳稱陶母表著歐陽未若表諸
 尼山之麓芳孔之後再有造於張涼水之原
 樹鴻章柏臺之辭質而蒼豈惟夫子之光
 張伯振碑陰記尚興
 渭儒林郎布政司經歷張君德綱其諱伯振其字夢壽夢紫其號
 也占籍青之安邱先世多偉人久以學行著聲齊魯間有海岱文
 獻之目君父州司馬公有隱德感老人送紫衣童子之夢生君於
 把子之故墟少孤柄家政教兩成名同居數十年無間兩弟亦
 恪遵其教各終其身不異產人方之義門鄭氏誠近今所希有也
 且聞君明敏善讀書達世故應變如常無張皇之色使早自為計
 科名仕宦如操左券可立得乃棄不取而獨以持門戶不墜先業
 為務則是兩弟之游黌序登賢書卓然為時聞人者皆君之力致
 之警之軍政諸凡披堅執銳斬將搃旗必歸功於帷幄運籌之人
 豈虛語哉况今風俗之薄莫甚於兄弟不必參辰異姓也場園園

田之肥瘠宮室車馬之好醜服食器用嫁子娶妻之薄厚皆足
間骨肉而開釁隙而為婦人者又從而媒孽之雖讀書習禮之家
其始終相保者蓋亦寡矣惟君能獨見其大壻世勵俗如此余交
君猶子柏恆稱莫逆因得讀君志傳用仿古人單撰一事之例書
諸碑陰其他醇德懿行世次生年吾祭郭烈婦王氏文監生王恪
邑楊雲亭先生墓誌已詳不具載祭郭烈婦王氏文適灘縣
郭象泰夫亡自縊邑人馬世珍以文祭之曰嗚呼某月日道聞凶
耗過汝父汝父方闔門哭出接余饋面蓬首以手拊胸曰吾女亡
矣吾女未亡矣吾女未亡矣汝父方闔門哭出接余饋面蓬首以手拊胸曰吾女亡
色駭莫知置辭久之慟定始知汝之物非物於物之日實物於前
兩年為汝呼天之日也不爾客歲來寧云不再來何也惜婢聞之
不知汝言之悲也前月走豎寄語無憂何也惜遙遞之未思汝言
之慟也且孤甥方折哭而忽復不哭反號為笑何也惜婢聞之
之不知汝悲汝痛之淚至此已絕也憶汝小年弱不勝衣不過一
女子子耳乃竟不知書而慕義念一生而莫回比之烈丈夫然者
豈余所料哉嘗覽舊史見古之沈淵死仰藥死斷脰穴胸死動魄
賊心猶下千載之淚矧死骨未寒熱血方新目擊其事實無從引
手救者為汝之宗族汝之父母汝之姑嫜耶汝不戀汝生汝生者
盜不慟汝死汝又不慟汝死汝生者不自言所慟也悲夫悲夫聞投繯
者之慟汝死汝又不慟汝死汝生者不自言所慟也悲夫悲夫聞投繯

之日遠近莫不巷空閭走說為異事仁人君子哀而憐之爭致誅
詞思貞諸石顧或非汝志不必為汝慰又聞縣大夫將上其事於
朝崇臺綽楔行將高轟里門顧汝之義不反顧非徒以一身易
一名也然則何以安汝靈哉惟即汝生時反吮為笑與云不再來
寄語無憂之意執汝翁之手作數聲長號歸且安汝父曰汝女亡
矣汝女實未亡矣務令強食節哀無重貽汝死後憂也庶其含笑
九泉乎

按前兩志名人撰述四十二種今新志所載則一百一十七種即
所附詩文亦倍從前前何少而今何多也蓋經緯天地曰文古之
人文以載道非煥乎成一家言而獨行千古者不名集不名集則
後世無傳焉而今之名集者何必然但能說理詳明措詞爾雅可
以感發人心可以勸懲世俗抑亦可以為文矣不然必董賈而後
言文必李杜而後言詩多見其不知量也

